



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

This work is licensed under a Creative Commons Attribution-NonComercial
3.0 Unported (CC BY-NC 3.0) license.


Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material



1999

1

ՃԻՆԵՄՔ


ՃԵՄԱՐԱՆ ԻԻՍԿԻՒՏԱՐՈՒ

ՈՐՈՐԱՆ

ՄԵԾԱՄԵԾ ՀՊՅ ԱՐԱՆՑ ԲԱԶՄԱՅ



Եթէ ոչ Տէր շինէ զտուն, 'ի նանիր վաստակին
շինողք նորա . եթէ ոչ Տէր պահէ գրադաք,
'ի նանիր աքնին պահապանք նորա :
ԴԱ.Ի.Ի.Թ.



معارف نظارت جليله سنك رخصتامه سيله طبع او ننشر

Կ. ՊՈԼԻՍ

ՏՊԱԳՐՈՒԹԻՒՆ «ԱՐԵՒԵԼՔ» ՕՐԱԳՐՈՅ

43831-Ա. Հ.

Զ Օ Ն

ԵՐԱԽՏԱԳԻՏՈՒԹԵԱՆ

Ա. Ռ

ԳԵՐ. Տ. ԵՂԻԾԵ Ծ. Վ. ԴՈՒՐԵԱՆ

ՀՈՎԻԻ ՀԱԽԱՏԱՐԻՄ

Ե. Ի

ԱՐԴԻԻՆԱԽՈՐ ՎԱՐԺԱՊԵՏ

ՀԱՅ ՄԱՆԿՏԻՊՅՆ


Զ Օ Ր

Բնծայէ Խոնարհագար

Նոռաստ սահ իր

ԲԱՐՍԵԼ Ե. ԷՔՍԵՐՃԵԱՆ

(612 - 60)



ՀԲ 643

28242-62



Ճեմարան Երկսեռ Վարժարանն, որպէս բազմաց, եւ մեր ուսման որորանն լինելով՝ կարեվէք կը խոցոտէր սիրտս երբ նորա աւերումն կը տեմնէի. միտքս դրի իմ այդ ցաւ հրապարակելով տամ եւ այլոց սրբութերուն ալ գրգիռ, որպէս զի Ճեմարանն իւր անուան արժանի դրից եւ կացութեան մէջ դնեն. Ուրախ եմ որ այսօր կը յաջողիմ այդ փափաքս. նուշ, եւ երախտագիտական պարտք մը կատարել:

Ճեմարանի մի խոնարհ սանն ահա' իւր ծայնն կը քարձրացնէ գոչելով. « Շինե՛մք Ճեմարանը ». ո՛րքան պիտի բերկը արդեօք երբ միւս այլ կարող եւ կորովի սաներէն լսէ. « Շինեցի՛նք Ճեմարանը » :

Յ Մարտ 1887
Ի ՆԻԿՈՄԻԴԱ

ԲԱՐՍԵԼ Ե. ԷՔՍԵՐՃԵԱՆ

ՇԻՆԵՄՓ

ՃԵՄԱՐԱՆՆ ԻՒՍԿԻՒՏԱՐՈՒ

Ա.

Չմեռ էր , ձիւնը ծածկեր էր գետին , ձիւնը
ծածկեր էր սարերն լերին , հիւղկան տամալին ,
մերկ ու լերկ ծառերն պարտիզին ու անտառին :
Տանտիկինն իւր սենեկին մէջ էր , այրն ցրտա-
հար կ'երթար իւր գործարան . իսկ մանուկն , իսկ
պատանին . մանուկն ու պատանին կ'երթային
վարժարան , ոյր տախտականածներ կը խորտա-
կուէին առ ՚ի չգոյէ փայտի և կը վառուէին բոց
արտադրելու . չ'էին գիտեր թէ այդ բոցեր մեծ
մեծ խոցեր պիտի դառնային ապագային այդ
վարժարանի կուրծքին վրայ բացուած . չ'էին գի-
տեր թէ այդ բոցեր պիտի ջեռուցանէին մարմին-
նին , իսկ հոգին պիտի ցրտացնէին , վարժարանին
նկատմամբ ունեցած ընտիր գաղափարներն պիտի
ցնդեցնէին . վա՛Հ . . . վարժարանն կը քակէին
մանուկն ու պատանին տաքցնելու և կը թելու հա-
մոզմամբ . նիւթականն կը քակէին՝ բարոյականն

աւելի շուտ կործանելու համար, մինչդեռ չէին խորհեր թէ վարժարանի մէջ նիւթականն պէտք է բարոյականէն յառաջ, թէ և իմաստասիրական աշխարհին մէջ բարոյականն է միշտ նախադաս, զի առանց բարոյականի չիք կատարելութիւն. բայց գործնական աշխարհն այդպէս չ'վարդապետեր. առանց վարժարանի (չէնքին) չիք բարոյական, եթէ ըլլայ, և առանց բարոյականի չիք դաստիարակութիւն. Բայց թողունք զայս և առնումք մեր խօսքին թելը. չ'եմք ուզեր այդ քարուքանդ, նիւթական տեսակիէտով ալ, բարոյական տեսակիէտով ալ քարուքանդ, այդ վարժարանին՝ ձեմարանին ներքնակողմն ապրող աշակերտութեան ուսումնական և դաստիարակական կացութեան վրայ առ այժմ խօսիլ. այլ կ'ուզեմք 'ի վեր հանել այդ վարժարանին չէնքին տխուր և ցաւալի ու վտանգաւոր կողմերն. Գիշեր մը, բքարեր ու միրկալից գիշեր մը, մմծին գիշեր մ'էր, երբ բարեկամի մը հետ, որ լաւ ըմբռնած էր վարժարանն իւր բարձր նշանակութեամբ, կ'անցնէինք այդ վարժարանին առաջէն, ըստ. «Կարծեմ թէ աստ վարժարան մը կար, ազգին երեւելի ու գործունեայ, ազգասէր ու փառացի անդամներ ընծայող վարժարան մը, ի՞նչ վիճակի մէջ է արդեօք.» Այս պահուս կայծակն շառաչեց և լցա տուաւ մեղ, և ըսի նմա. «Ահա՛, տե՛ս այդ վարժարանն :» «Վա՛խ, ըստ, այդ ո՞րքան հինցած է, կը փիլ, և իւր փլատակաց տակ գուցէ ծածկէ ամսեղներն ալ, մանաւանդ անմեղ մանկիկներ, որ սովոր են գնալ այդ խար-

խուլ պատին և չէնքին եղերքէն :» Պատասխանեցի նմա. «Հին է, այո՛, բայց չե՞ս դիտեր թէ հնութեանց մէջ կան նուիրական չէնքեր, որոց մասնական տարբերն կան ու մնան. Ելլադայի մէջ Աթենասայ Մեծեանն, եգիպտոսի մէջ Բահաղութագինն, Հնդկասաանի մէջ Պուտտայինն. դոցանշխարք իւրեանց հնութեանն հակառակ կան մնան այսօր. թո՛ղ կործանի այս վարժարանն, բայց նորա նշխարներն պիտի մնան, կամ դոնէ իւր հնութեամբն պիտի մնայ ամայի, յիշատակ մը անցելոյն, արհամարհանք մը ներկային. տխո՛ւր խոստովանութիւն. Բայց կը խոստովանիմ նաև, թէ ժամանակն և անտարբերութիւնն պիտի կործանեն վերջապէս, և ես կը սխալիմ երբ մէջ կը բերեմ այս տեղ նախնի հնութիւններն :» Ըստ նա. «Իրա՞ւ է. ա'յլ են նոցա ճարտարապետութիւն և կերտուածք և գրութիւն ա'յլ է սորայն :» Իրաւունք տուի նմա, և ըսի. «Այդ չէնքին խարխուլ կողմն տեսաք, այդ չէնք իւր հաստատուն կողմն ալ ունի, ուր կ'աշակերտին թաղին մանկտին. ե'կ վաղիւ և քեզ ցոյց պիտի տամ նորա ներքնակողմն և նորա ուտճահալ հիմերն, յայնժամ աւելի լաւ գաղափար մը կարես ստանալ այդ չէնքին վրայ :» Սիրով ընդունեց. պիտի բամնուէինք 'ի միմեանց երբ յանկարծ մոնչեց միրիկն և եկաւ զարնել, խորտակել այդ խարխուլ չէնքին խարխուլ փեղկերը. մին ինկաւ և նորա անկման շառաչիւնովն աարսափ ու սարսուռ ինկաւ մեր սրտին մէջ. Կըրկին բաղխիւն մը միրկի, և ահա կղմինտըներ մի

զմիով թաւալեցան գլխիվայր , և վերը , օդին մէջ կղմնտրաց ամպ մի կարծես ձեւացաւ : Խոյս տուինք անտի և հեռուն զկայ առինք դիտել այս կործանման նշաններն ցաւակցաբար : Երրորդ բաղիւն մ'ալ , և ահա չէնքին երեսի տախտակներն մըրկին բոնութենէն կը ճարճատէին և 'ի բաց նետուելով մեծ խորշեր կը բանային : Սոցին 'ի տես հարցուցի իւրովի . «Այս նշաններն միթէ կործանումն չ'ե՞ն գուժեր ,» և նա հարցուց իւրովի . «Այդ նշաններ միթէ դաստիարակութեան մեծ փոթորիկներ չ'ե՞ն , որ զամեն բան կարեն հիմնայատակ տապալել :» Յուսահատօրէն մեկնեցանք 'ի միմեանց՝ հետեւեալ օրն վերստին տեմնուելու պայմանաւ , առ 'ի դիտել ձեմարանն իւր ներքին և արտաքին կողմերովն միանդամայն : Նոյն օրն եկաւ բարեկամն , դտաւ զիս այդ վարժարանին սենեակներէն միոյն մէջ , ուր կ'սպասէի նմա :

Երջեցուցի զինքն վարժարանին խորերն ուր տեմնուեցան ցեցամէս տախտակամածներ . ամեն տեղ փոշի , ամեն տեղ փլատակ , ամեն տեղ աւեր . տիսրութեամբ համակեցաւ այցելուն և այլ եւս չ'փափագեցաւ շարունակել իւր պտոյտն և մեկնեցաւ , աւա՛ղ կարգալով վարժարանին : Մենք այդ վարժարանին շինուածոյն վրայ պատրաստուած ենք խօսիլ այժմ ընդարձակօրէն , ուստի պիտի խնդրեմք արդարախոչ և ուղղամիտ անձերէ , որ այդ վարժարանին աշակերտներն են կամ ոչ , անաշառապէս քննեն , գործեն զոր ինչ պարտէ և պատշաճ : Բայց որովհետեւ մեր նիւթն դաս-

տիարակութեան մը յարկի վրայ է , նախ խորա- զըննին աշօք քննեմք և իմանամք թէ :

1. Ի՞նչ է դաստիարակութիւնը .
2. Մատենագրութիւնը ի՞նչպէս կը գործէր 'ի հնումն , եւ ի՞նչպէս կը գործէ 'ի նորումն .
3. Ի՞նչ դաստիարակութիւն կ'ուզէ մեր այժ- մեան վիճակ որ պաշշանի ազգային բարոյա- կան եւ ուսումնական բարգաւաճման .
4. Ի՞նչ էր ձեմարանն , ի՞նչ եղած է եւ ի՞նչ պիտի լինի :

Բ .

Ի՞նչ է դաստիարակութիւնն . հարցումն տա- րօրինակ թուի գուցէ այնպիսի դարու մը համար , յորում կը կարծուի թէ՝ դաստիարակութիւնն մըրկի թեւերու վրայ կը թոշի ընդ ամենայն տեղիս . սակայն տարօրինակ համարուած հարց- մունք յաճախ օրինակելի արդիւնքներ ու նուրբ նպատակներ չ'ե՞ն ունենար միթէ . տարօրինակ հարցումներ չ'ուղղե՞ր միթէ իմաստափրութիւնը , որ աւելի ուղիղ մոաց աղբիւրներէ կը բղիփ քան թէ վարկպարագի մտածմանց հեղեղներէն յառաջ կուգայ , և այդ տարօրինակ հարցումը չի յղանար միթէ լուսաւոր և բանաւոր , ճշգրիտ ու վճիտ գաղափարներ և հարցապնդմանց պատասխաններ : Երբ իմաստափրութիւնը կ'ընէ զայդ հարցեր , ան- դին բանաստեղծութիւնն ալ կ'ընէ նոյն հարցեր

այնպէս, ինչպէս որ իւր հարուստ և բեղմնաւոր երեւակայութիւնն կը դրդէ մոռքին և շրթունք կ'արտաբերեն զայն։ Իմաստասէրն և բանաստեղծն կը հարցնեն. «Ի՞նչ է մարդն.» ուամիկն կամ այսպէս ըսեմ գրականութեան անդիտակ անձնաւորութիւնն կը պատասխանէ. «Այդ ո՛րպիսի հարց մ'է, մարդն մարդ մի է, ինչպէս եմ ես։»

Այդպիսի հարցեր գուցէ տարօրինակ թուին յաչս ոմանց, որ իրի մը նկարագիրն կամ պարագաներն չ'են ճանչեր և չ'են կարող բացայայտել. այս իսկ ամեն մարդու լեզուի մէջ տարբեր տարբեր բացատրութիւն կ'ստանայ, այնպէս որ իմաստասէրն զմարդ տարբեր գաղափարներու և գոյներու և բառերու, կամ աւելի ճիշդ է ըսել, պարզութեան մը տակ կը ներկայէ և բանաստեղծն, ընդհակառակն, ճոխ, զարդարուն, բարձր գաղափարներով, ծաղկալից ոճով, և 'ի մի բան, իւր արուեստին մարդարիստներովն կը յաջողի բացատրել թէ «Ի՞նչ է մարդն». Հակիրճ ասել, իմաստասէրն իւր սահմանը կ'ամիտոփէ, բանաստեղծն իւր սահմանն կ'ընդլայնէ կամ թէ ըսեմք նկարագրութեամբ կը յօրինէ։ Այդ հարցեր շատ անդամ ծանօթ առարկաներու վրայ ալ կ'ըլլան մասնաւոր նպատակաւ մը։ Կը տեսնեմք որ վերը երկոքին եւս տարօրինակ հարցումներ կ'ընեն, ոչ թէ անոր համար որ առարկայն, զորմէ հարցանեն, անդիտելի իմն է, այլ անոր համար որ անաղօտ չէ, այլ անոր համար որ այդ հարցով կ'ուզեն աւելի զօրաւոր և համողողական ընել զայն՝ զորմէ մնայ նոցա

խօսել, այլ անոր համար որ կ'ուզեն անտի 'ի վեր հանեն գաղտնիք մը կամ բան մը, որ պաշտպանէ իրենց դատը։ Ուստի մեք կ'ուզեմք տարօրինակ հարցում մ'ընել աւելի լուսաւորելու համար այդ հարցման ենթակայ եղող դաստիարակութեան նիւթն և անտի 'ի վեր հանել բան մը, որ ոյժ և զօրութիւն կուտայ մեր բանից։

Երբ մարդիկ՝ ըլլան վայրենի վիճակէ, ըլլան ընտանի վիճակէ անցնող, չ'են սահմանափակեր իւրենց գործելու միջոցներն, և պէտք կ'զգան այլոց հետ յարաբերութեան մտնել և իրենց թերին ընուլ, կամ զանազան պիտոյից կամ պարագայի բերմամբ փոփոխել իրենց մտաւորական, բարոյական հանգամանքներն, կը զարդացնեն իրենց միտքն, աւելի մարզելու և լուսաւորելու կը ձգտին. և այսպէս ո՛րքան ընդարձակուին իրենց հաղորդակցութիւններն մտաւորական և քաղաքական՝ ընդ մերձաւորս և ընդ հեռաւորս, այնքան մշակեալ միտք մը կ'ունենան և իրենց բարուց նկարագիրն և յառաջդիմութեան նշանակն և զայն զարդացնող կրթութիւնն կ'ստեղծեն, որ տարբեր նկարագիր ունի ամեն աղդի համար։ Այդ կըթութիւն կը կոչուի Դաստիարակութիւն։ Մարդիկ կ'իյնան փորձութեանց մէջ և կը խրատուին զոր փորձառութիւն կ'անուանեն, և այդու կ'ուղղեն իրենց դաստիարակութեան թերութիւններն . այսպէս երբեմն անցեալը կ'աւանդէ, ներկայն կ'ուսանի, կ'ուղղէ, կը մոլորէ և կամ կը թողու որ ապագայն ուսանի։ Աւելի պարզ խօսինք . այն մարդիկ, որ ցեղական տրո-

հումէ վերջն կ'անցնին ընկերական տրոհման, այդ վիճակին մէջ կըթութեան տարրերութիւնն զգալի կըլլայ, պէտքերը բաղմապատիկ, յարաբերութիւնները տեսակ տեսակ՝ այնպէս որ ցեղական մարդկութիւնն ընկերական կամ ժողովրդական մարդկութեան առջեւ կը համեմատի այնպէս ինչպէս մանուկ մը կը համեմատի ալեղարդ ծերունւոյ մը։ Ուստի ընկերական մարդկութիւնը բաւական չի համարիր իւր ցեղական կեանքովն ապրիլ, զի միտքն խիստ զարդացած է, զի քաղաքական համգամանքներն շատ բաներ կը պահանջեն, այլ կուզէ օրէնքներն կարդալ գրքերու մէջ, քան թէ թաքուն պահել նահապետին խղճին մէջ, կուզէ մասնաւոր կրթութիւն տալ իւր զաւակաց, մասնաւոր եկեղեցի ունենալ աղօթելու, մասնաւոր տուն բնակելու, մասնաւոր շահավաճառութիւն ապրելու։ Իւր այս պէտքերն լեցնելու համար ունի լեզու մը, բայց չ'ունի գիր, որով կարենայ հնարել մատենագրութիւնը գրաւոր, որ մարդկային ընկերութեան զարդացման բանալին է, ինչպէս լեզուն մարդկային ընկերութեան բացատրութեան գանձուն հայելին է։ Սակայն յառաջ քան զգիրն մարդկութիւնը կ'ատեղծանէ տեսակ մը մատենագրութիւն, որ կը լսուի միայն շրթանց վրայ, և կը կոչուի անդիր մատենագրութիւն, որ մոտաւորական զարդացման անբաւական է։ Պէտք է ատեղծել գիրն։ Միտքն կը յաջողի յայդմ եւս, և կը յօրինէ գրաւոր արդիւնքն մոտաւոր կարողութեան, որ ճշմարիտ դաստիարակութեան ուա-

հահորդն կը լինի, և կը բարձրացնէ զմարդկութիւն։ Ստոյդ է, միտքն՝ յորմէ կարէ ոք ունենալ, զմարդ կը գործէ յառաջադէմ, խոհուն, արդար, բարի, հաւատարիմ, ժիր, աղքատասէր, ընկերասէր, գթած, պատուաւոր, երջանիկ և մեծ, որպէս զհակառակին սոցին։ մորովն դաստիարակութեան սկզբունքներն կը սովորի մարդ, և կարէ ապրիլ իրը քաղաքացի։ Ուբեմն երկրի վրայ բարուք ապրելու զեկ մ'է այն, որոյ զեկավարն է մարդն և զոր վարելու համար աշխատութիւն և հմտութիւն պէտք է։

Վայ այն ժողովրեան, որ չ'ունի ո՛չ այդ զեկըն, ո՛չ այդ զեկավարն և ո՛չ այդ զեկավարութեան տենին։ այն նման է մոտաթափ զեկավարի մը, որոյ նաւն կը բաղիսի ահագին խութերու և խաղալիկ կը լինի Ովկիանու և ոչ ուստեղ օդնութիւն կարէ յուսալ։ Վայ։

Գ.

3. Մատենագրութիւնն ի՞նչպէս կը գործէր 'ի հնումն եւ ի՞նչպէս կը գործէ 'ի նորումն։

Յառաջ ժամանակաւ երբ մարդիկ տակաւին կաղմակերպեալ և ծաղկեալ ընկերութիւն մը չ'ունէին, ընտանեաց անդամներն կ'ապրէին իրենց պետին կամ որ նոյն է ասել նահապետին իշխանութեան տակ։ նա թագաւորն ու դատաւորն էր այդ անդամոց, նա վարդապետն ու վարժապետն

Էր այդ ժողովրդեան , նա տէրն և իշխանն էր այն
երկրին , յորում կ'ապրէր իւր ընդոծիններովն .
Կային նոցա մէջ անշուշտ այնպիսի նահապետներ
ալ կամ նահապետական դրութեան տակ կառա-
վարիներ ալ , որ աւատական դրութեան նման ,
թէև յայնժամ անծանօթ , ծնունդ տուած էին
ուրիշ դրութեան մը , որ ցարդ կայ ու կը մնայ
երկրի վրայ , և յորում ժողովուրդն իր Տief կը
հնազանդէր , որպէս երբեմն կը հնազանդէր
՚ի Հայս հայ երկրագործն , հայ արհեստաւորն ,
հայ տղայն և հայ աղջիկն իրեն պետին կամ
պատմական բառովն ըսենք նախարարին իշխանու-
թեան տակ . նոքա պարտէին երթալ ուր որ ու-
զէր նախարարն . ՚ի բանո , ՚ի հերկ , ՚ի մահ :

Այս դրութիւն՝ նահապետական չքմեղիկ ,
խաղաղիկ դրութենէն ծագումն առած չ'երեւի՞ր
միթէ . բարի մայր մը ծնունդ չ'տա՞ր չար և բարի
զաւակաց միանդամայն . համանուն , համարիւն
եղբայրներ միեւնոյն հոգեկան և մարմնական նը-
կարագ իրն չ'ե՞ն ունենար , Գանք նահապետական
կենաց վրայ շարունակել մեր խօսքը : Նահա-
պետական դրութեան մէջ , երբ բազմացան մար-
դիկ , հարկ եղեւ տեղի տալ : Այն մասնակի ըն-
տանիքներն , որ չորս հարիւրէն աւելի անդամներ
կը պարունակէին՝ միացան ըստ աճել թուոց , և
իւրեանց նիւթական և բարոյական , քաղաքական
և կրթական ուժեր զօրացուցին և զարդացուցին ,
յորոց յառաջ եկան ազգեր : Այդ ազգերն են որ
իրենց հնութեան մէջէն կը ներկայեցնեն մեզ իրենց

յատուկ քաղաքական և կրթական ընտիր հանդա-
մանքներն . քաղաքական . երկրին և կամ ժողո-
վրդեան բարուք կառավարութեան համար , կրր-
թականն՝ ժողովրդեան զաւակներն բարուք և
վարուք գովելի , ուսեալ և առաքինի քաղաքա-
ցիներ պատրաստելու համար : Հին , շատ հին ժա-
մանակաց մէջ Հրէական աղդն իւրեան հին Հայ-
րենեաց կառավարական և կրօնական պետն կը
ճանաչէր զԱրքահամ , որ Եգիպտոս ճանապար-
հորդած և անկէ ետքն հաստատուած էր Քանա-
նու երկրին մէջ :

Եգիպտոս գիտութեանց մայրաքաղաքն
Ճանչուած է ՚ի հնումն , որ մինչեւ Մովսէս ,
և անկէ վերջը երկար ժամանակամիջոցի մը
մէջ մինչեւ Քրիստոսէ յետոյ , ցաւերումն մատե-
նադարանաց , երբեմն տկարանալով , երբեմն զօ-
րանալով , նշանաւոր գիտնականներ հասուցած է :
Պատմութիւնը կ'ուսուցանէ մեզ թէ Յովսեփայ ա-
տեն , որ Փարաւոնին երազը մեկնեց , Եգիպտոսի
մէջ կային շատ մը գիտնականներ . Արքահամ կընար
օգտիլ իւր այս ճանապարհորդութենէն ալ , և իւր
Ազգին գրականութեան մեծ ծառայութիւն մը
մատուցանել , և զայդ չ'եմք տարակուսիր իսկ այդ-
պէս իմանալու , զի քանի որ ինքն հեղինակ կը հա-
մարուի Երրայական Այբուրէնի գիւտոյն , գրակա-
նութեան մեծ հարստութիւն մը պէտք կ'ըլլայ ամ-
բարել իւր մոտաց մէջ զոր կընար առնուլ յ'Եգիպ-
տոս : Այսպէս ըրին մեր Ազգին համար Մեսրոպ և
իւր գործակիցները՝ երթալով յ'Եղեսիա , ՚ի կեսա-


բիս, յ'Աթէնս, յ'Աղեքսանդրիա : Խնչպէս Մեսրոպայ և Սահակայ գրականութեան վրայ կը խորհիմք , պարտք կը համարիմք Աբրահամու ժամանակին մատենադրութեան վրայ եւս նոյնն խորհիլ , այսինքն պէտք է հաւատամք թէ գրականութիւն մը յառաջ քան զԱբրահամ կ'ապրէր , թէև ոչ այնքան զարդացուն որքան Աբրահամունն . Անկից յետոյ են Յոր՝ որ շատ վսեմ զգացումներ և բարձրաթռիչ երեւակայութիւն մը կ'արտայայտէ , Մովսէս , որ գեղեցկագոյն երանդներ կուտայ իւր գըրշին , երեմիս՝ որ երուսաղիմայ աղետից կենդանի պատկերն կը շարայարէ :

Իւր հին մատենադրութեամք պատկառելի է նաև Հնդկականն , որ 3446 տարի յառաջ , գրեթէ Հայկակ առաջնոյ ժամանակը , սկսած էր ծաղկիլ . բնականաբար շատ առաջ ծնունդ առած էր այդ գրականութիւնն , որպէս շատ առաջ ծնունդ առած էր մեր մատենադրութիւնն՝ Յաճախապատումէն , Ագաթանգեղոսէն կամ թէ ըսեմք Չորրորդ դարէն շատ յառաջ իսկ : Հնդկական մատենագրութեան մէջ 'ի հնումն ծաղկած կը տեսնեմք երեւելի հեղինակներ , Վալմիրի , Վայէլա , Մանուվիշ նուսաթմա , և կը կարդամք Վերաները և դիւցազնական բանաստեղծութիւնները , որպիսի էր Ուահայեան , և թատերական բանաստեղծութիւններն , որպիսի է Սահաննալու , և Առահիսուսունիւնն՝ Հնդիկ Պիտրայիի առակախօսին :

Զինականն եւս մեծ տեղ մը կը գրաւէ հին մատենագրութեան շարքին մէջ իւր հնութեամբն ,

որ փայլած էր 4000 տարի յառաջ , գրեթէ Արայ գեղեցիկին ժամանակը : Իւր մատենագրութեան յեղափոխութեան առաջին հերոսն կը հանդիսանայ Քօնֆուցէ կամ Կոմիփիւկոս , որ բարոյական և խմատասիրական , բանաստեղծական և օրէնքսդրական ամեն սեռերն ուսուցած է իւր հաւաքածոյին՝ Քնու մատենին մէջ , որոյ լեզուն հակառակ իւր կազմական աղքատութեան , ունեցած է երեսուն հատորէ բազկացած Բառարան մը : Կոմիփիւկոս այնքան ջանք ու հոգ կը տանէր մատենագրութեան զարդացման , մինչեւ հաստատեց շատ մը գպրոցներ և 3000 է աւելի աշակերտներ ժողվեց որ իրեն սկսած վարդապետութիւնը տարածեցին :

Պարսից մէջ եւս հին ժամանակէն սկըսած էր յառաջ երթալ մատենագրութիւնը . Զրադաշտ իւր Զինդ-Աւետան յանձնելով Պարսկական մատենագրութեան՝ նոյնն կ'ընէր , ինչ որ ըրած էր Կոմիփիւկոս Զինաց Համար : Երկար լուռթենէ մը վերջ հետզհետէ երեւան եկան նշանաւոր մատենագիրներ . Սաատի՝ Կիւլիսանը գրեց , որ այլ և այլ եւրոպական լեզուաց թարգմանուեցաւ , գրեց նաեւ Պունան մը , Բէնի-Նուէ մը , զանազան և Եւմուսաներ : Ճամփ , գրեց Պահաբէուան մը , բանաստեղծունիւններ , առաջներ և վուրե : Միլիսոնտ , որ Պարսից Տակիտոսն կրնայ ըսուիլ , գրեց պատմական Յիշատակարաններ պարսկական , կամ լուեւս է ըսել Տարեդրքեր : Պարսիկն ունեցաւ իւր ուսումնասէր և քաղաքագէտ Թագաւորներ :



յանուանէ յիշատակելի է Մահմադ-Շահը , որ 450 դրագիտաց պաշտպան կանգնած՝ և նոցա թոշակեներ կարգած էր , յորոց էր ֆեռքէնէ մատենագիրը , որ շատ նշանաւոր է իւր գրած 60000 տող պարունակող Շահ-Նարենջ :

Վերջապէս չ'եմք կրնար լոելեայն անցնիլ Եղիպտական հին մատենագրութիւնն , որ կանխագոյն ժամանակաւ սկսած էր ծաղկիլ , ինչպէս ըսկնք : Ս. Գիրքն կը հաստատէ վաւերապէս թէ գիտութիւնն շատ յառաջ գոյացած էր . նշանաւոր էր աստղաբաշխութիւնը , ճարտարապետութիւնը , քանդակագործութիւնը , արուեստներն , (Մահմադին շինելու արուեստն զիսաւորաբար) , երկրաշափութիւնը , նկարչութիւնը , երաժշտութիւնը , փիլիսոփայութիւնը և բժշկութիւնը :

Մենք բանասիրական կամ գրագիտական տեսակէտով այժմ բաւական յառաջնթաց շարժումներ ըրած եմք , որ անբաւական է սակայն դարուս ոգւոյն պահանջման , մինչ գիտական ասպարիզին մէջ նոր սկսած եմք փորձել քայլափոխելու . չ'եմք կրնար ըսել արդեօք թէ Եղիպտական գրագիտութիւն մը կար , կամ բանասիրական ճիւղ մը աւելի կանուխ ժամանակի մը մէջ , որ մայր եղած էր գիտական ճիւղին , զոր ծնաւ : Այս խօսքերէն կը հետեւցնեմք թէ այդ ազգաց մէջ մեծատուններն գիտուններ կ'ապրեցնէին , ինչպէս յայտնի կ'երեւի Մովսէսի ժամանակէն , իրենց պայտագաներուն բարուք կըթութիւն մը տալաւ համար , և ինչպէս ըրին վերջին ամենէն ծաղկեալ

դարերուն մէջ գրեթէ բոլոր Եւրոպական տէրութիւնները : Գաղղիա պահեց զիէնէլօն և նորադաստիարակութեան յանձնեց գահաժառանգ զաւակն , որուն համար , կարծիք կայ թէ՝ գրած է իւր Տելեմաքն :

Պտղոմէոսեանք իրենց արքունիքն կոչեցին գիտուններն , գրականութիւնն քաջալերեցին , մատենագրաններ հիմնեցին , ուր կը յաճախէին Հրեայ և Յոյն և այլազդ գիտուններ , որ կը ներկայացնէին Եգիպտական վերջին գրականութիւնն , Մատենագրութեան մէջ կարեւոր է յիշել զէելենականն , որ 4000 և աւելի տարիներ յառաջ կը ծաղկէր և կրնամք ըսել թէ իւր կատարելութեան հասած էր Պարոյրին ժամանակ , կամ Տրովաթայի ճակատամարտին ատենները , զոյր կործանումն երգեց չոմեր , և ոյր գիցագունք անմահացան իւր իլիականովն և Ողիսականովն : Աւելի հին ժամանակաց՝ առասպելաբանական դարերու մէջ կ'երգէր Ողբէոս Թրակացին որոյ քնարին 'ի լուր կուգային գաղանք ու վագերք : Ըստ լուսաւորելոյ ազգին ծաղկեցան Քսենոփոնտ (*) Անաքարափս , Պղատոն , Անաքսիմանթըր , Սոկրատ , Թաղէս , Իսոկրատ , Ստրաբոն , Արիստիթէս , Դիոդինէս , Եպիկուրոս , Դէմոսդէնէս , Կլինիմագոս , Փիլօն , Եպիկուրոս , Պիտագորոս , Եէմպէդոկլէս և լն . Սոքամեննեքին ազգ ային իրաւանց պահպանութեանց և

(*) Իրենց ժամանակին կարգաւոր , կամ ճշգրիտ յաջորդութեամք չ'են նշանակուած :

լեզուին զարդացման մեծ ծառայութիւններ աը-
ուին, ճշմարտութիւններ երեւան հանելով մարդ-
կային միտքն լուսաւորեցին, թէ և ցաւալի է ը-
սել որ իրենց այդ բարի բարի ծառայութեանց
հետ միասին հնարեցին տեսակ տեսակ մոլար ա-
ղանդներ ալ, որոց հետեւեցան շատեր։ Բայց ի՞նչ
որ ալ ըլլան այն վարդապետութիւններ, անու-
րանալի է թէ նոցա հեղինակներէն շատեր յառաջ-
դիմութեան ջիղերն եղան ո՛չ միայն իրենց աղդին
համար, այլ և օտարաց՝ Փիւնիկեցւոց, Եղիպտաց-
ւոց, Հռովմայեցւոց, Հայոց, և հակիրճ ասել
բոլոր մարդկային աղդին համար։ Հայք եւս ունե-
ցան իրենց մէջ նշանաւոր երգիններ, Ֆիրտէֆաններ։
Լուսաւորիչ և Տրդատ միացած դպրոցներ հաս-
տատեցին ժողովրդոց զաւակաց համար, ուր կը
դիմէին յուսումն և ՚ի գիտութիւն։ Մեծն Ներսէս
2000 էն աւելի վանքեր հաստատեց Աղդին յետ-
նեալ և գժբաղդ ժամանակներէն միոյն մէջ.
աստ դպրոց մի շինեց, անդ հիւանդանոց մը,
աստ որբանոց մը հիմնեց, անդ հիւրանոց մը.
այսպէս ըրին նաեւ թարգմանիչք մեր, և աղդին
ապագայ կեանքք երաշխաւորեցին, և զի՞ մի մի
թուեմ։

Հինք, ա՞հ, ամեն պարագայի մէջ կը մտա-
ծեն իրենց զաւակաց բարւոք դաստիարակու-
թեան համար. ամեն օտար աղդի մատենագրու-
թիւն առաւել կամ նուազ ճիգեր թափած է
վարժարաններ կանգնելու, ուսումն տարածելու,
աղդն լուսաւորելու մասին. անդստին ՚ի վաղ ժա-

մանակաց մինչև մեր օրերն բաւական երկար ժա-
մանակամիջոց մ'է, յայնժամ երբ հարիւրին չորս
մարդ կը մտածէր զդաստիարակութենէ (ենթադ-
րութիւն մ'է որ կը լուսակաց ո՛չ թէ իրականութիւն
մը կը յայսնեմք .) այժմ կը մտածէ հարիւրին . . .
մարդ !!! Ո՛րքան աննշան յառաջադիմութիւն, եթէ
կրնամք գործածել այդ բառն, Ո՛րքան ջնջին
տարբերութիւն ընդ անցեալն և ընդ ներկայն։

Մենք ի՞նչ կ'ընեմք :

Մենք այժմ, գոհութիւն Աստուծոյ, կը վա-
յելեմք՝ չնորհիւ Վեհափառ Կայսեր Օգոստափառ
Սուլթան Համիտ Խանի՝ կատարեալ անդորրու-
թիւն, և լի ու լի արդարութիւն իւր լուսամիտ
Նախարարութենէ, և սակայն չենք մտածեր կամ
եթէ մտածեմք, չեմք գործեր ինչ որ անհրա-
ժեշտ է. ուր է, Թանգարան չունիմք, ուր է
Քարձրագոյն վարժարան, ուր է դպրոցական շէն-
քերու յաճախութիւնն, ուր է Վարժապետանոց,
ուր է Ընծայարան, ուր է Վանուց զարգացումն,
վանական երկասկզութիւնք, ուր է. այս քանի՛
տարիններ անցան և գեռ նախնեաց գործերն
ծածկուած կը մնան. ուր են Ե՛րուսաղէմ, Է՛շմիա-
ծին, Վե՛նետիկ, Վիեննա՛, Ա. Կարապետ, Արմաշ,
ուր են քո գործքերն, քո միաբանութեան վաս-
տականներ ուր են. իրենց հացն արցունքին հետ
խառնած տտեն մեր նախնիք կը մտածէին ու կը
գործէին. մենք մեր հացն մեղքին ու անուշին

Հետ խառնած ատեննիս չ'ենք մոտածեր , կամ եթէ կը մոտածեմք սուղինչ , չ'եմք ուղեր գործել , կամ եթէ ուղեմք գործել , չ'եմք կրնար , չ'եմք գործեր :

Ի՞նչ կ'ընեմք :

Երբ չայ ընտանեաց տունն միշտ վտանդի մէջ էր , կամ պատիւն և ստացուածքն երաշխաւորութեան տակ չ'էին , օտար երկիրներ կը գաղթէին մեր նախնիք՝ զօրացնելու և լուսաւորելու համար իրենց երկիրն , իրենց սերունդն : Մեր նախնիք իրենց երկիրն մէջ ուսումն չ'գտնելով կ'երթային օտարէ՛ն մուրալ զայն . մենք ունիմք գոնէ բաւական ուսումն աւանդող վարժարաններ , սակայն չ'եմք երթար , չ'եմք զրկեր մեր զաւակներն , չ'եմք վճարեր այդ վարժարաններուն համար , և ի՞նչ , ա՞ն , կը թողունք որ կործանի՛ն այդ վարժարաններ :

Ի՞նչ կ'ընեմք :

Թող պատճառ չ'նկատուի աղքատութիւնն աղդայնոց , եթէ մէկը անկարող է միւսն կարող , եթէ մէկն ուսումնատեաց է , միւսն ուսումնասէր , ի հնումն ամենէն թշուառ ժամանակներուն մէջ իսկ տեսնուած են աղքատիկ մատենադիրներ որ մեծ ծառայութիւններ տուած են , նոցա ժամանակին մէջ ծաղկած են վարժարաններ . քանի՛ քանի՛ աղքատ մատենադիր ցոյց տամ ձեզ :

Մենք ի՞նչ . . . առաւել աղքատ համարիմք զմեզ քան զնոսա , քանի որ այսօր վաճառականութիւնն օր ըստ օրէ յառաջ կ'երթայ , քանի որ հարուստ բարերարներ , պատուաւոր և ազգանուէր անձնաւորութիւններ պակաս չ'են , քանի որ ժամանակին հետ մէկտեղ յառաջ դիմելու միտում մը պէտք է ունենամք ո՛չ թէ ընկրկումն . մենք աւելի կամ հաւասար անկարող , տկար , անձեռնհան եմք , որչափ էին մեր նախնիք դարերով յառաջ :

Ի՞նչ կ'ընեմք :

Յառաջ երբ վարժարաններ կը հաստատէին , զայն յառաջ վարելու ա՛լ չանք չ'էին ինսայեր , միայն բոնութիւն և քաղաքական հանգամանքներ կուգային փակել նոցա գոներն կամ աւերել . իսկ այժմ . արդէն ունեցած վարժարաննիս ալ , որ փակուելու մօտ են , չ'ենք կրնար շնուր , չ'ենք մոտածել վարել , չ'ենք ձեռնարկեր գործել :

Ի՞նչ կ'ընեմք :

Նախադարեան ժողովուրդն երբ ինդիրն լինէր բարենպատակ հաստատութեանց համար , զոր օրինակ եկեղեցւոյ , Դպրոցի , Որբանոցի , Հիւանդանոցի համար , առատապարգեւ կը նուիրէր իւր դրամն , սակայն վերջնադարեան ժողովուրդն բազուադահ անցելոյն պէտք եղած կերպով չ'տար աղդային յառաջդիմութեան համար . երբ հանդա-

նակութիւն լինի շատ անգամ հազիւ սկսած կը վերջանայ, շատ անգամ հազիւ մոտածուած կը դադրի մոտածուելէ, շատ անգամ հազիւ 'ի գլուխ հանելու յաջողութեան նշաններ տեսնուած կը մոռցուի կամ ապարդիւն կը թողուի, իսկ երբ հրաւէր կարդացուի խնջոյքի, պալոյի, հեշտական և զրօսական տեսարաններու, թէատրօններու և պահանջուի 20-50-100-200 դրուշ, լիարուռն կը տրուի. փոյթ չէ, թո՛ղ վարժարանն փակ մնայ կամ կործանի. փոյթ չէ թո՛ղ թաղական Խորհուրդն դրամի պէտքն զգացնէ իւր պաշտաման դժուարութիւններն հարթելու համար, աղքատին հայ, զգեստ և կօշիկ մատակարարելու, հիւանդին դեղ ու բժիշկ և խնամքներ մատուցանելու, միով բանիւ գթութեան գործն կատարելու համար. փոյթ չէ թո՛ղ քահանայն եկեղեցի չգայ, որո՞ւ պիտի գայ, զի ժողովուրդ չի կայ Տաճարին մէջ, Ենք հացի կարօտ է, կ'երթայ. ուր. քահանայն ուր կ'երթայ. իւր հացն ճարելու, երկիրը մշակելու կամ տունը իւր արհեստն բանելու. ի՞նչ անկումն. փոյթ չէ թող եկեղեցին իսկ փակ մնայ, ինչպէս որ կ'ըլլայ գաւառաց ոմանց և գըրեթէ առ հասարակ գիւղօրէից մէջ.

Ի՞նչ կ'ընեմք :

Հեթանոսութեան ժամանակին մէջ ճշմարտին զգացումն՝ գաղափարն իրական էր և հաստատուն. հայրը կը կըթէր իւր զաւակն յ՛ուսումն պաշտա-

ման դից, յարուեսոս, 'ի գիտութիւն, յերկիւ- դածութիւն 'ի դից, 'ի բարերարութիւն, յօդնա- կանութիւն թշուառաց, 'ի շինութիւն Աղբին, և 'ի յաւաշագիմութիւն կենաց այլ և այլ կարեւոր պիտոյից մէջ. յայնժամ երիտասարդն մէկ ձեռ- քըն ունէր գործունէութեան զեկը. 'ի միուսումն՝ արդիւնքն, մէկ ձեռքն ունէր խիղճը, 'ի միուսու- մն՝ գործը. մէկ ձեռքն ունէր աշխարհի բարիք- ներ և 'ի միուսումն՝ դից երկիւղը, կուսանէր, այլ բարուոք ուղղութեամբ, կը փառաւորուէր, այլ երկիւղածութեամբ, կը գործէր, այլ յարա- տեւութեամբ, արդեամք. մենք այժմ Քրիստո- նէական դարու մէջ, ամենէն լուսաւորեալ դա- րու մէջ ըլլալրվ, կը մոտածեմք ոչ յաճախ բարի խորհրդոց վրայ. կը բարերարեմք ո՛չ յաճախ բա- րիք մընելու, այլ բարեգործ երեւնալու նպա- տակաւ. կ'աշխատիմք, այլ միշտ մեր շահուն և յաճախ ուրիշն կործանման. կը գործեմք, այլ ոչ յաճախ յարատեւելու, այլ սկզբնաւորելու համար. Տամնեւիններորդ դարու մատենագրութիւնը այս նուաստ աղղեցութիւնները կ'ընէ՛ մեր վրայ:

ՄԵՆՔ ԼՈՒ Կ'ԸՆԵՄՔ :

Նախադարեան ժամանակաց մէջ կը տեսնուէր մեծ միում մը մատենագրութեան մասին և նշա- նաւոր Հեղինակութիւններ յառաջ կուգային, այ- ժըմ ո՛չ մին կայ ո՛չ միւսն, (զի այնչափ սակա- ւագիւտ են մինչեւ կարենալ մեղ այսպէս ասել.) Հեղինակութիւնք նուազ կ'երեւին, որչափ նուազ

կ'երեւին փոթորկալից և ամպամած գիշերուան մէջ երկնից վրայ լուսատու աստղեր . թարգմանութեանց կողմանէ հարուստ ենք բաւական , որ աւելի հանճարի աղքատութիւնը կ'ապացուցանէ քան թէ հարստութիւնն . վիպասանականին մէջ շատ յառաջ գացած ենք , լրագիրք ամեն իրենց մէջ ունին ընդարձակ վիպական թերթօններ , չեն պակախ նաեւ մոլորեցուցիչ , և բարքերն ու վարքերն եղծանող ու ապականող վիպասանութիւններ բաւական թուով . իսկ բարոյախօսութիւնք . կրնամք ըսել թէ ասոր վրայ ոչինչ ունիմք գրեթէ .

Այս ի՞նչ կործանարար աղդեցութեան տակ ինկեր ենք , ո՛վ Աստուած .

Ի՞նչ կ'ընեմք :

Մեր նախնի կղերականաց մէջ՝ կը փայլէին իրենց հանճարովն և օրինակելի հանգամանքներով չայ եկեղեցւոյն արժանաւոր հովիւներ , Սարկաւագ , Քահանայ , Վարդապետ , Եպիսկոպոս . Կաթողիկոս որոց շատեր աստ անդ կը դիմէին , կը քարոզէին կրօնք ու կրթութիւն , կը տարածէին զայնս ահ ու դողի մէջ ապրող չայոց , դուք զո՞ոք կարէք ցոյց տալ այժմ , բաց ՚ի սակաւ քանակութենէ մը , որ նուիրած են իրենց ձեռքը չայրենեաց , Եկեղեցւոյ և Ազգին օգտին համար գործելու , և միտքն՝ իւրեանց մատենագրութեան համար . ո՞ր Կաթողիկոսն աւելի չքնաղ գործեր ունեցած է քան զթուսիկ , քան զներսէս , քան ըզ-

Մովսէս , ո՞ր Պատրիարքդ աւելի Ազգասէր , Կրօնասէր և անձնանուէր եղած է , քան զթակոր , (վել ջին ժամանակներա ունեցած եմք արժանաւոր Պատրիարքներ ,) ո՞ր Վարդապետը կամ Եպիսկոպոս կամ Սարկաւագ կարէ հետեւիլ իւր նախնի սրբազն հարց շաւիղներուն , ո՞րը :

Ի՞նչ կ'ընեմք :

Մենք իւրաքանչիւրս մեր պարտքերն չեմք ճանաչեր . կրօնք ու Եկեղեցի , դաստիարակութիւն և դպրոց ՚ի բաց թողած եմք . Խասդիւղի Ներսէսեան վարժարանն , որ անհուն թուով նըշանաւոր զաւակներ հասուցած է ազգին , կը կործանի՛ . Խւսկիւտարի Ճեմարանն , որ երկար տարիներէ ՚ի վեր , իբր 47. տարի , իբր կէս դար կը շրունակէ , և Ազգին օգտակար ու կարեւոր բազմաթիւ զաւակներ հասուցած է , կը կործանի՛ . կը կործանի՛ Հնաբովն ալ , կը կործանի՛ յառաջդիմութեամբն ալ , և անտարբեր կը դտնուին նոցա զաւակներն . ի՞նչ . այո՛ , նոցա զաւակներն իրենց բազուկներն ծալլած իրենց կուրծքին վրայ հեռուն կեցած կ'սպասեն նորա կործանումն դիտելու համար գողցես . ճիշդ այնպէս , ինչպէս որ որդի մը կ'ընէ իւր հիւանդագին մօր՝ անոր անկողնոյն քով արձանացած կենալով անփոյթ և անխնամ , և սպասելով զիտնալու համար թէ ե՞րբ պիտի մեռնի իւր մայրը :

Ո՞ն , ի՞նչ կ'ընեմք :

Ե.

Մտիկ ըրէ՛ք թէ ուրիշ ի՞նչ բաներ կ'ընեմք։
Նախ նկատողութեան առնումք մեր Ազգային
դպրոցական կամ ոչ դպրոցական մատաղ սե-
րմնդեան կամ երիտասարդութեան բարոյական և
ուսումնական վիճակն։

Մանուկն պէտք է դիտենք նախ տան մէջ։
ապա վարժարանին մէջ, և ապա արտաքին կենաց
մէջ։ արտաքին կեանք ըսելով, կ'իմանամք այն
կեանքն՝ որ դպրոցի և բարոյական կեանքէ
դուրս է։

Ընտանեկան յարկն կը բաղկանայ հայրէ մայ-
րէ և զաւակներէ։ հայրն եթէ ունի փափագ ուս-
ման և մայրը չ'ունի, նոցա որդւոց դաստիարա-
կութիւնն տեւական և բաղձալի չի լինիր։ մայրն
իւր մոլար գաղափարներն, թէ՛ ընտանեկան, թէ՛
ընկերական, թէ՛ կրօնական (մնապաշտական),
թէ՛ ուսումնական, կը տպաւորէ տղուն մոտաց մէջ,
տղայն եթէ չունի իւր մէջ ուսման և բարւոք դաս-
տիարակութեան յատկութիւն։ կ'եղծանի և կը
զառածանի, և երբ յարբունա լինի, պատուհաս
կը դառնայ այդ ընտանեաց։ ընտանիք մը կը թըշ-
ուառանայ։ իւր ամեն մոլութեամբն և տղիտու-
թեան ծանր հետեւանքներովն կը վտանգէ աղ-
գային բարւոք ուղղութեան։ ինչո՞ւ համար մայ-
րըն այդքան ազդեցութիւն կը բանեցնէ որդւոյն
և ոչ թէ հայրն, զի մայրն լաւ հաղորդիչ է ամեն

մասամբ, իսկ հայրն վատ հաղորդիչ այսչափ չէ
միայն շարունակեմք։ Մայրն իւր տղիտութեամբն
կը կարծէ կրթել, անկեղծութիւն ուսուցանելու
տեղ կեղծաւորութիւն կ'ուսուցանէ, պարկեշու-
թեան և համեստութեան վարժեցնելու տեղ, ամ-
բարտաւանութեան և ստահակութեան կը տանի,
նորա միտքն ճշմարտութեամբ զարդարելու տեղ
նախապաշարմամբ կը շրջապատէ, Աստուծոյ եր-
կեղածութեան առաջնորդելու տեղ արհամար-
հանաց և անտարբերութեան կառաջնորդէ, ա-
զօթք ուսուցանելու տեղ հայհոյանաց ուսուցի-
չըն և տիպարն կը լինի, քաղաքավարութեան օ-
րինակներ տալու տեղ, տմարդութիւն և անկրո-
թութեան փորձերն ցոյց կուտայ, օրհնելու տեղ
կ'անիծանէ, գգուելու տեղ կը քրքրէ, սիրելու
տեղ կը գանակոծէ, խրատ տալ կ'ուզէ՝ մինչ ինք
պէտք ունի խրատուելու, ուսուցանել՝ մինչ ինք
պէտք ունի ուսանելու։ այսպէս ապագայ երջան-
կութեան տեղ ապագայ դժբաղդութեան դռնե-
րըն կը բանայ, ազնուանալու տեղ կ'ստորնանայ,
բարձրանալու տեղ կը կործանի։ վայ կործանումն
ահաւոր, կործանումն աղիտաբեր։

Երբ շատ մօտէն քննեմք այս ընտանեկան կե-
նաց զանազան պարագայներն՝ զզուանմք ու անհը-
նարին ցաւ պիտի ինմանամք, որդիական պարտա-
կանութիւնն, ծնողական պարտականութիւնն, ըն-
տանեկան ներդաշնակութիւնն։ ասոնց և ոչ մին
չ'են երեւեր հոն։ բա՛ւ այսքանն տան ներքին կե-
նաց համար։

Չեմք կարենար ըսել սակայն թէ ամեն չայ
ընտանիք այդպէս են, քա'ւ լիցի . կան մարգա-
րիտ ու գանձ համարուած ընտանիքներ ալ, որոց
օրինակներ շատ հաղուագիւտ են . մենք ընդհա-
նուր ախարկ մը նետելով կը խօսիմք . մասնաւոր
յարգանք բացառութեան :

Այդպիսի ծնողքներէ ՚ի մանուկ տիոց պատ-
րաստուած տղայն, իւր առաջին բնական յատ-
կութիւններով չ'մտներ, այլ վերջէն իրեն բնական
եղող յատկութիւններով . անժխտելի է այդ:
Տեմնեմք այժմ թէ այդ տան փոքրիկ հրէն ի՞նչ
կըլլայ և ի՞նչպէս կը շարժի վարժարանի նկատ-
մամբ : Ընտանեաց մէջ ՚ի հարկէ ընդհանրապէս կը
լինին քոյրեր և եղբայրներ կամ միայն քոյր և եղ-
բայր :

Այն եղբայրն որ չ'դիտեր բայց եթէ ի՞նչ որ
չար է, ի՞նչ որ ապականարար, ի՞նչ որ անարդ, և
իրեն երկրորդ բնական յատկութիւն ըրած է ա-
մեն գարշելի ընութիւններ, այն եղբայրն չ'ուզեր
ըմբռնել իսկ ուսման նշանակութիւնը . նորա վար-
ժարանն՝ փողոցներն, նորա դասարանն՝ դաշտերն
ու այգեստաններն, նորա ուսուցիչներն՝ սրիկա-
ներ, նորա դաստիարակն, եթէ երբէք կարեմք
անուանել այսպէս, ամբարտաւանութիւնն . նա
չ'դիտեր գրիչ շարժել, այլ գիտէ իսրալան
գործածել . վարժարանին միշտ փախուատ կ'ու-
տայ, զի ծնողքն իսկ դաղափար մը չ'ունին վար-
ժարանին վրայ, և փոյթ չ'են տանիր հարցնելու,
իմանալու թէ իրենց զաւակն ի՞նչ կ'ընէ, ո՞ւր

կ'երթայ, ի՞նչ կը սովորի . տունէն ՚ի դաշտ, սակայն
մի՛ ՚ի վարժարան, դաշտէն ՚ի տուն . ահա՛ իւր
կեանքը դպրոցական, չ'եմ սխալիր եթէ ըսեմ,
դաշտական :

Նա տան մէջ աւելի կը զօրանայ ամբարշտու-
թեան և կոպտութեան մէջ . դաշտին մէջ առածն
կը կատարելազ ործէ անդ . այսպէս կը շարունակէ
մինչեւ յարբունս հասանի . նա վարժարանէն կ'ել-
նէ . տղայն ի՞նչ սովորեցաւ . քիչ մը կարդալ, քիչ
մը գրել . ի՞նչ բանի պիտի ծառայէ այդ . աւելի
լաւ արտասանելու համար այն լկտի, կոշտ բառե-
րը, զոր ուսած էր դաշտին ու տան մէջ, աւելի
լաւ կերպարանելու համար այն անարդելի օրի-
նակներն, զոր յաճախ կը տեսնէ տան մէջ, աւե-
լի լաւ ՚ի գիր առնելու համար այն մոլութեան՝ և
մարդկային ընկերութեան զարդացումն կամեցնող
տղիտութեան՝ անտարբերութիւն և վատութիւն
ծնանող մեղկութեան և անզգամութեան խոր-
հուրդներն :

Այդ եղբայրն Վարժարանին մէջ իւր կեանքն
կ'ունենայ, ըսմնք արդէն : Իւր այդ կեանքն թե-
րեւս կարողանայ բարուքման նշաններ ցուցնել
ներսն : Տուներն կը քանդեն վարժարանին հաս-
տատած բարոյական հիմերը . տուներն կը փճա-
ցընեն վարժարանին ՚ինա սերմանած բարոյական
սերմերն . թող տուներն պահեն անջինչ այն կըր-
թութիւն, զոր առաւ տղայն վարժարանին մէջ,
և ահա տղայն այլ եւս չի պիտի լինի ստահակ,
անպիտան, տգէտ, անոպայ, պիտի դագրի հայ-

հոյելէ , պիտի դադրի դասարկապոյր շըջելէ , պիտի դադրի յամառելէ , պիտի դադրի ամբարտաւանելէ իւր ծնողաց դէմ , պիտի դադրի անհնազանդութենէ և անպարկեշտութենէ . դայլն դառն պիտի դառնայ , տղեղն՝ գեղեցիկ , չարըն՝ բարի , ամբարիշտն՝ բարեպաշտ , անխոչեմն՝ խոնարհ , ժրաջան ծոյլն՝ փթամիտն՝ սրամիտ . ըսել կ'ուղեմ տուներն պիտի սկսին հիմնարկութիւնն ընել , վարժարանն այդ հիման վրայ պիտի կառուցանէ իւր շէնքը . շէնքն որքան ալ լինի հոյակապ ու գեղեցիկ , երբ հիմնաք աւազի վրայ են հաստատուած կամ հաստատուն չ'են , մրրիկն պիտի յառնէ , հողմունք պիտի մաքաւին միմեանց դէմ կարկրուտ և անձրեւ իրարու խառնուած պիտի տեղան և պիտի գան տապալել , կործանել և հիմնայատակ ընել այդ շէնքը . ծնողք պէտք է հաստատուն դնեն իրենց հիմնարկութիւնը , ապա թէ ոչ վայ է այդ հիմնարկողաց , վայ է այդ շէնքի ճարտարապետին , վայ է այդ շէնքի գործաւորներուն , վայ այդ հոյակապ շնուածոյն .

Պիտի վիրաւորուած ժուին գուցէ ոմանք այդ գունակ ոճ գործածելուս համար , բայց ոչ , պէտք չէ սուտն ճշմարտացնել , պէտք չէ միով բանիւ ծածկել մեր վէրքերն . Աղդային դաստիակութեան խնդիրն ամենէն մեծ խնդիր մ'է , այդ իւր վրայ շատ լայն լայն վէրքեր ունի , ցոյց տամք աներկիւզ , որպէս զի գտնեմք նոցա դարմաններ . մինչեւ որ չ'յայտնեմք բժշկին մեր ցաւերն , բժշկն չկարէ դարման տանիլ մեր հիւանդութեանց :

Այս ո՞րքան ցաւ ունիմք և տակաւին կը չանամք ստել , կը չանամք հաւատացնել թէ չ'ունիմք ցաւ . ստոյիկեան ա՞զդ մ'եմք արդեօք որ ուխտ ըրած ըլլամք ամենէն մեծ ցաւերն իսկ ցաւ չ'կոչել . Ե'նչ որ ալ ընելու ըլլամք , առոկ կեղծիք են ամենն ալ . բա՛ւ են կեղծիք , բա՛ւ ալ , բա՛ւ : Դուք մի՛ մեղադրէք զիս երբ կըսեմ թէ մեր տուներն տակաւին պատրաստուած չ'են . զաւակները բարի դաստիարակութեամք մնուցանելու տրամադրութեամք շատ քիչ ընտանիք կան , որ բնակարան ու վարժարան բառերուն նշանակութիւնները լաւ ըմբռնած ըլլան . մենք մեր զաւակներ ուսումն սովորելո՞ւ համար կը զրկենք վարժարան թէ տունէն պարզաբար հեռացնելով հանգստանալու համար . այս երկուքէն ո՞րք կ'ընեմք . մի՛ վարանիք պատասխանել . վերջինն , այո՛ , ընդհանրապէս վերջինն :

Երբ մեզ կը ներկայացուին տղայներ , որ թէւ նման ծնողաց յարկերու մէջ են մեծցած , և ուսած վարժարանի մէջ , այլ այսօր նշանաւոր հանդիսացած են իրենց տաղանդով ու դիրքով , պիտի ըսեմք թէ դաշտերու մէջ ալ ծաղիկներ կը բուսնին զորս թէւ խնամատար ձեռք մը չէ ջրած , չէ դարմանած , այլ կը բուրեն հոտ անոյշ . այդպիսիներ դաշտին մէջ ինքնաբողբոջ անուշաբոյր ծաղիկներու նման են , որ դժբաղդաբար խիստ սակաւածիւ են , և անբաւական մեր աղդային բարոյական և նիւթական ընդարձակ պէտքերն հոգալու : Հունչ+ բաղւում են և հշկում ուսկաւ . վէրքն

շատ է, բալասանն քիչ. գործն բազմամասն է, գործաւորներն փոքրամասն. Այդպիսիք ոչ թէ լաւ պատրաստուած ծնողաց խնամաց, այլ նախախնամութեան անմիջական հոգ ատարութեան տակ են զարդացած կարծես, ազատ ամենեւին ծնողաց յօռի. ստորին և տգեղ յատկութիւններէն, վանողական զօրութեամբ մը 'ի բաց վանելով այդպիսի ծնողաց վատթար ազգեցութիւնները. Եղբօր համար այսքան. գանք գիտնալ թէ Ի՞նչ կ'ըլլայ քայրը:

Քոյրն եւս սկսած է իւր քայլերն ուղղել 'ի վարժարան, այլ փոխանակ ընտանիքը վերաշինող և աղնուացնող սկզբունքներն ուսանելու, եւրապական տգեղ կողման միտելով նախամեծար կը համարի Գաղղիերէն լեզուն, կ'արհամարհէ Հայերէնն. փոխանակ ուսանելու մօր յատուկ եղող պարտականութիւններն՝ ընտանիքըն քանդող սկզբունքներ կ'ուսանի, ընտանիքն, որոյ պատերու քարերը արդէն թափթփած են և ինք պարտ էր այդ թափած քարերն տեղաւորել. բայց Ի՞նչ կ'ըսեմ. նա աւելի միտում կ'ունենայ զետեղուած քարերն թափթփելու. ինչպէ՞ս կարելի է որ ինկած քարերը տեղաւորէ. նա կը պիրէ պարել՝ չի գործելու, կը սիրէ նուագել դաշնակաւ՝ շոայելու համար, վիպագրել՝ սէրն կեղծիք գարձնելու համար, ժամունակ իայթելու համար, ախրիլ՝ խարելու համար, գրաւել սիրտն՝ նենդելու համար, գոհանալ՝ դժոհացնելու համար:

Երբ այսպիսի քոյր մը, որ հանդերձեալ է մայր լինիլ զմարդ երջանկութեան ծայրն հասցնելու նպատակաւ, երբ լինի մայր, Ի՞նչ կ'ըլլայ արդեօք իւր կազմած ընտանիքը. շատ դիւրին էր գուշակել. այդ ընտանեաց մէջ միշտ կազ, կոփւ, միշտ տըխ-րութիւն, միշտ անհանգստութիւն, միշտ գայթակղութեան օրինակներ անպակաս պիտի լինին, և այդպիսեաց զաւակն ԺԹ դարու ԼՈՒՍԱԽՈՐԵԱԼ ՄԻ ՀՐԵՇ ԶԱՀԱՅԿ. զայդ գաղափար առկէ աւելի լաւ բացատրել չ'կարեմք:

Ահա այսպէս կ'ընեմք մենք լուսաւորութեան թուականէն 1887 տարի վերջը:



զ.

4. Ի՞նչ տեսակ դաստիարակութիւնն կ'ուզէ մեր այժմեան վիճակ, որ պատշաճի ազգային, բարոյական եւ ուսումնական բարգաւաճման ։

Իմացանք թէ մեր այժմեան վիճակի արգահատելի կողմերն կը ներկայացնեն անկումն աղդային մատենագրութեան, որ կը կայանայ դաստիարակութեան և կրթութեան աստիճանաց վըրայ, անկումն կրօնական և բարոյական ճշմարտութեանց, որ կը կայանայ հաւատալի սկզբանց վրայ. այդ անկումներն արգիլեմք, և ահա ամեն ինչ պատշաճ պիտի լինի մատենագրական, կրօնական և ուրիշ ամեն բարոյական զարգացման։ Ի՞նչ կերպով կրօնան բարձրանալ. բարձրանալ դաստիարակութեանք։ Ի՞նչ է այդ բարւոք դաստիարակութիւնն, որով կարեմք բարձրացնել զմեզ. նախ ընտանիքներն բարեկարդելով, ինչպէս ըսինք. պէտք է ծնողք մտածեն թէ երբ ամուսնական աշխարհի մէջ մտնեն, ՚ի մտի ունենալու են որ ազգին ու մարդկութեան օգտակար անդամներ, առաքինի և ուսեալ զաւակներ պատրաստել պարտին, և ո՛չ թէ ազգին գործոց, յառաջդիմութեան, ներդաշնակութեան կապերն խզող, եկեղեցին ու վարժարանն աւերող ու արհամարհող, մոլութիւնն քան զառաքինութիւնն բարձր դասող զաւակներ ընծայել ազգին, ո՛չ թէ իւրեանց ընտանեաց կործանում, ամօթ ու նախատինք, պատուհաս ու արհամարհանք

պատճառող որդիներ . պէտք է ուսուցանել նոցաթէ Աստուած մը կայ, որ կը պատժէ չարը, կը վարձատրէ բարին, որ ստեղծած է զտիեղերս . պէ՛տք է դողայ Անկէ, պէ՛տք է յարդէ Անոր պատուէրն, պէ՛տք է պատկառի Անոր բանին առաջ, պէ՛տք է հաւատայ ամեն տեղ Անոր ներկայութեանը . պէ՛տք է Անոր առաջնորդութեամբ հետեւի բարի գործոց, պարկեշտութեան, հեղութեան, աշխատութեան և բարւոք դաստիարակութեան, համայն ասել մարդկութեան, իւր և ընտանեաց երջանկութեան . պէ՛տք է աշխատի, պէ՛տք է մտածէ զոր ինչ ուրախութիւն և միխթարութիւն կ'առթէ այլոց, և ո՛չ թէ սուգ ու ցաւ, վիշտ ու կոծ . պէտք է խորհի աղքատին ձեռնուու լինել, սգաւորին միխթար, տառապելոյն օգնական, յուսահատելցյն յոյս, մողորեալին առաջնորդ, և կոյրին աչք, խաւարին լոյս, տղէտին ուսումն, անօթիին հաց, ծարաւիին ջուր մատակարել. մէկ խօսքով Աստուծոյ սիրելի և մարդկան օգտակար հանդիսանալ. հպարտութեան, անքաղաքավարութեան, անդգամութեան, անպիտամութեան պաշտօնեայ չը լինիլ . մանուկն ճշմարիտ կրօնասէր ընել, ո՛չ թէ կրօնամոլ, ճշմարիտ անկեղծ, ո՛չ թէ անկեղծութեան քօղին տակ կեղծաւոր, ճշմարիտ բարեպաշտ, ո՛չ թէ մասպաշտ, նանիր և անիր բաներու զօրութիւն և հաւատք ընծայող. ճշմարտութիւնն՝ ճշմարիտին մէջ, առաքինութիւնն՝ առաքինութեան մէջ, երջանկութիւնն՝ երջանկութեան ճանապարհին մէջ

վինտուող զաւակներ հասցնել պէտք է։ Պէտք է հասկցնել ու համոզել թէ մարդ իրեն համար պէտք չէ՝ միայն աշխատի, պէտք է իւր շուրջն դիտէ, ուր պիտի տեսնէ բուսական և կենդանական աշխարհն, մոլորակային աշխարհն, որք 'ի միմեանց կ'օգտուին. պէտք է հետեւցնէ թէ մարդ որքան առաւել պարտի իւր անհամեմատ առաւելութեամբն գեր 'ի վերոյ հանդիսանալ իրերաց օդնականութեան մէջ։

Մարդ իւր անգործութեան վիճակին մէջ արհամարհելի է քան զայն միջատն, քան զայն ժժմակ, քան զայն ջրածնի ու որդն, զորս առաժուր ոտից առնելով հպարտութեամբ մը կը կոխոտէ զայնս և արհամարհական նայուածք մը կը ձգէ նոցա վրայ։ Պէտք է ճանչցնել նմա թէ ինք քան զայն պիտի արհամարհուի և պիտի կոխոտուի, երբ իւր պարտքն չը կատարէ իրրեւ բանական կենդանի առ նմանիս, առ ընկերս, առ ընտանիս, առ իւր ազգն. պէտք է ճանչցնել թէ Աստուծոյ իմաստութեան լուսովն չը լուսաւորուած և Անոր ցոյց տուած հետոցն չը հետեւող անհատն յիմար է։ Ի մի բան ծնողք պարտին առտնին դաստիարակութիւն մ'ունենալ, և իրենց այդ հիմնական դաստիարակութեան հիմն ընել կրօնքն, բարոյականութիւնն, ընթերցասիրութիւնն, բարուոք կրթութիւնն, քաղաքավարութիւնն, սէր առ մարդկային ընկերութիւնն, և մանաւանդ սէր առ իւր Ազգն։

Տան մէջ այսպէս պէտք է կրթուի տղայն. իսկ

վարժարանին մէջ տղուն անհրաժեշտ են ուսանել մայրենի լեզուն, կրօնքն, թուարանութիւն, պատմութիւն և աշխարհագրութիւն ընդհանուր տիրող պետութեան, Ա. Գրոց պատմութիւն, բարոյական դաստիարակութիւն. բաց յայօցանէ այլ և այլ կարեւոր լեզուներ և գիտութիւններ, որ միտքն առաւել կը զարդացնեն, երբ զգուշութեամբ և խնամօք աւանդուին և ո՛չ թէ մոլորեցուցիչ եղանակաւ։ Բայց ինչպէս և ո՞վ պիտի աւանդէ զայնահա հարցն։

«Ինչպէս» ն շատ տիսուր կնքրպով կը ներկայացուի և «Ով» ն ա՛լ աւելի տիսուր, զի չունինք ո՛չ կանոնաւոր դասեր աւանդով բաւական թուով դաստիարակներ, չունինք խողճախոք իւր արուեստին քաջ գիտակ բաւական թուով ուտոցիչներ։ Իրական բացառութիւններ կան, որ միշտ յարդելի պէտք է ըլլան առ մեզ. սակայն անոնք որչափ սակաւաթիւ են։

Նախ իմանանք «Ինչպէս» ն։

Վարժարաններ կան, որ բնաւ ծրագիր չ'ունին և ըստ բաղդի կը կառավարուին. կան որ ճոխ ծրագիր մ'ունին որ անգործադրելի եղած է և վարժարանն անկման վիճակած։ կան որ համեստ ծրագիր մ'ունին, այլ դասուց աւանդելի եղանակներն գոհացուցիչ չ'են. կան, իրա՛ւ, ճոխ ծրագիր ունեցողներ, սակայն ազգային, բարոյական և կրօնական տեսակէտով վնասակար կրթութիւնն մը կուտան։ կան շատ քիչեր որ կը համաձայնին բուն Հայկական վարժարանի մը պէտք եղած պա-

հանջմանց . կան որ աղքատ են և ծնողաց վսասակար փափաքներն չը կարեն դոհացնել , որ անպատեհ և անկարեւոր ալ են , և մանաւանդ կործանարար , որպիսի են դաշնակ , պար , նուագ , քնար և այլն . այս պատճառներով ծնողք ոմանք իւրեանց զաւակն կը դնեն օտար վարժարանաց մէջ ուր բոլորովին կը փոխուի Հայ օրիորդն զգացմամբ ալ , բարուք ու վարուքն ալ և յաճախ կրօնքովն ալ . և Հայ անուան տակ օտարական օրիորդ մը կը դառնայ , սրտով ալ օտար , մոքով ալ օտար , հաւատքով ալ օտար :

Մենք շատ չը պիտի ծանրանանք այս կէտին վրայ , զի մասնաւոր տետրակաւ մը Հայուսուն բառաբառական անուամբ խօսած եմք բաւական , որ ՚ի լոյս պիտի գայ :

Կան վարժարաններ ալ ուր բարոյական դաստիարակութիւն և կրօնք բոլորովին վերցուած են . միայն կարեւորութիւն տուած են լեզուաց և գիտութեանց , որոց թերի ուսուցում աւելի անկըրմներ և իմաստակներ յառաջ կը բերէ քան գիտուններ . իորին իմաստակներունիւն Առողութոյ կը հարեցնէ , իու ժանառն իմաստակներունիւն կամ իմաստակներունը կը հետացնէ Առողութոյ :

Աւելի ոյժ կուտան դաշնակահարութեան , պարի և քնարահարութեան . դեռ մինչեւ ե՞րբ պիտի խաբուիմք մենք , մինչեւ ե՞րբ պիտի մոլորիմք . տղայն թող դաշնակաւորէ իւր բարքն քան թէ ձայնը , իւր սիրտը՝ քան թէ մատունքը , իւր գործերն՝ քան թէ գործիքն : Այսօր ունինք երի-

տասարդութեան մի մաս , որ կը պնդէ թէ զմարդ Աստուած չ'ատեղծեց , այլ կապիկէն սերեցաւ . դու , կապիկէն սերող երիտասարդ , իսկ կապիկն , իսկ զօրաւոր ապացոյցներ : Այսօր Երիտասարդութիւնն զինքն քան զՊիւթագորոս , քան զՊղատոն , քան զՍոկրատէս , քան զԵպիկուր աւելի փիլիսոփայ կը կարծէ , քան զնոսա , որ ճշշմարիտ Աստուած մը կը խոստովանէին , և զարարածս նորա ձեռաց գործն կը համարէին հարիւրաւոր տարիներ յառաջ քան զՔրիստոս : Անկումն երիտասարդութեան , անկումն ապագային , անկումն Հայ դաստիարակութեան . խեչակներ գընեմք , արգիլեմք այդ անկումներ « Ինչպէս » նխորհելով և ըստ պատշաճին գործելով :

Ո՞րդ իմանամք « Ով » ն :

Երբ դիտելու ըլլամք մեր վարժապետական դրութիւնն , պիտի իմանամք անմիջապէս թէ մեր այս ընթացք ազգային յառաջդիմութեան զարգացում չ'տար . բոլորովին անվարժ և իրենց պաշտաման զիտութեան անտեղեակ անձեր կը նետուին վարժապետական ասպարիզին մէջ կ'եղծանեն այդարուեստին ներդաշնակ կապերն , կը պղծեն անոր սուրբ անունը , կը չնջեն անոր վեհութիւնը , կ'ստորնացնեն անոր բարձրութիւնն ու վերջապէս կը կործանեն այդ մարմին . կ'ուսուցանեն , որք կարօտ են դեռ շատ ուսանելու , կը խօսին զոր ինչ չը գիտեն , կը կարդան զոր ինչ չ'են հասկնար , կը ջանան հասկըցնել զոր ինքեանք իսկ պէտք ունին հասկնալու . և գժբաղդաբար այսպիսիք են որ ոյժ կ'առնուն կը

զօրանան, պատիւ ու փառք կ'ստանան թեկնածութեան, մարդահաճութեան և մարդելուզութեան ձեռնուութեանց՝ և կամ միւս այլ տարբեր տարբեր նպատակաց չնորհիւ, մինչ անդին անձնուէր և զինքն մաշեցնող վարժապետն ՚ի զուր կ'սպասէ հայի. նա այս կամ այն չողաբարձութեան սիրով գրաւած է. փոյթ չէ թէ նա անդէտ է իւր պաշտաման, անտարբեր է, ապարդիւն է, Հորժապետ չէ. կը բաւէ որ վայելուչ հասակ ունի, կորովի ձայն, ամեն բան կը խոստանայ իրեն, ամեն բանի կարող հաւատացուցած է զինքն, մանաւանդերը ձայնաւոր ալ է. ահա այսպէս է այն մարմինն, որ կրթութիւն պիտի տայ մեղ (չի մոռնանք բացառութիւնները):

Մանուկներն լքեալ կը թողումք, և փոյթ չեմք տանիր նոցա բիւրաբեղուն մտաց ածուներն մշակել, միայն բնութեան կը յանձնեմք զանոնք. ո՞ւր են կարող մանկավարժներ: Լսէք, քանի՞ բարեկարդ վարժարան ունիմք այսօր, որոց մեր մանուկ աշակերտներն յանձնած ըլլանք. տակաւին մանկավարժ բառն շատ ստորին անուն մը չէ՞ առ մեղ. տակաւին այն մանկավարժ կոչուողն անպատիւ չի նկատուիր ՚ի մէնջ:

Բառնամք այս ամեն թերութիւններ և պիտի տեսնեմք որ զուտ Հայկական դաստիարակութիւն մ'ունեցած պիտի ըլլամք, որ բոլորովին կը պատշաճի մեր ազգային, բարոյական և ուսումնական հանդամանաց. այսպէս ընեմք. և ահա այն ատեն պիտի տեսնեմք թէ մատենադրութիւնը պիտի

ծաղկի, ընտանեկան յարկերն պիտի բարւոքին, Ազգն պիտի յառաջադիմէ, և վարժարաններն որ կը գործածին պիտի վերանորոգին, և վարժարաններն, որ կը պակասին, պիտի բազմանան ընդհուպ: Սպասեմք և յուսամք:

Ե.

Ընթերցողն բաւական զբաղեցուցի, գուցէ ձանձրացուցած ըլլամ զինքն, երբ տակաւին յառաջ մատուցանեմ խօսքս. գամք ուրեմն մեր խօսքին եղակացութեան, այսինքն ձեմարանի Վերաշինութեան ինդրոյն եղակացութեան, զորմէ էին բանք. ուշադրութեան պահ մ'եւս:

1884 Մայիս 21 ամսաթիւ « Սրեւելք » Պատ. թերթի մէջ ընթերցաք թէ՝ Օրթադիւղի բազմարդիւն Ս. Թարգմանչաց վարժարանի վրաշինութեան պէտք ՚ի Պատ. թաղեցի աղգայնոց զգալի լինելով, ձեռն ՚ի գործ արկած են յայնմ՝ տեղլոյն Պատ. Թաղ. խորհրդոյն առաջնորդութեամբն՝ որ անմիջապէս 190 օսմանեան ոսկի գանձելու յաջողած էր. սակայն այս գումարն ՚ի վերջոյ ծանուցուեցաւ լրագրի մը մէջ թէ 210 ոսկի եղած է: Նոյնպէս կարդացինք ՚ի լրագիրս, 1885 ին, թէ ներսէսեան Վարժարանի վերաշինութեան պիտի ական ՚ի մօտոյ: Դարձեալ կարդացինք թէ Զմիւռնիոյ ազգաէր և ուսումնասէր ազգայինք յաջողած են ՚ի գլուխ հանել տեղլոյն Ս. Հայփախմեանց Աղջկանց վարժարա-

նին վերաշխնութիւնն , որ անհատական գթութենէ բղիսած արդիւնք է եղած սոսկ 1849 ին : Երանի՛ Զմիւռնացւոց , զի չ'են յապաղած և յուլացած իւրեանց այդ մեծ պարտուց մէջ և կարողացած են 4000 սակոյ մի գումար ձեռք բերել մի գործօն մամնախմբի միջոցաւ . այս՝ ո'րքան բերկրառիթ , ա'յնքան տիրայոյզ , ա'յնքան դառնացուցիչ , ա'յնքան յուսահատեցուցիչ եղաւ ինձ համար և սկսայ Տիրիլ :

Թերեւս հակառակ թուին ոմանց այս տողեր . այլ ստոյդ ճշմարտութիւն մ'է , զոր պիտի հաստատեմք :

Նահանջեմք յետս ընդգէմ , դառնամք նախնթաց տարիներու ու դարերու մէջ . դիտեմք հոն այն ժրաշան վեհ այրերն և իւրեանց գործոց արդասիքն . կարդամք նոցա յիշատակարաններն . բաղդատեմք իւրեանց միտքն ու ոգին իւրեանց մեծագործութեանց հետ , յայնժամ զանոնք առաւել յառաջադէմ , առաւել ազգասէր , առաւել կրթասէր պիտի գտնեմք առ մեօք : Պէզճեան Յարութիւն ամիրայն , որ կ'ապրէր 1820ին , իւր պարզ ձեւոյն տակ կը կրէր յինքեան արքայական և հանրական յարդանքն ու համակրանաքն . սրտի և մոտաց բարձր ոգիներէ մին էր նաև մարդասիրական և աղքասիրական ամեն հսկայ աջակցութիւններ ընձեւեց առ իւր աղքն և առ հանուրս . նա արկածի ատեն՝ ապաւէն , պատերազմի ատեն՝ խաղաղութիւն , սովու ատեն՝ գութ , նեղութեան մէջ՝ գանձ , գժբաղդութեանց մէջ՝ արի :

ողորմածութեանց մէջ՝ տիպար , և աղդասիրութեանց մէջ՝ հրաշակերտ մ'էր դարձած . նա խորհած է զայն , որ բարի սակայն կարի գժուարին էր , և գործած է դիւցազնօրէն . նա կանգնած է վարժարաններ , եկեղեցիներ , որբանոցներ , հիւանդանոցներ . նա սիրած և պաշտպանած է Հայուն բաղդն , ձեռն կարկառած է անոր , որ աղքատ է , որ տգէտ է . դիտութեան ուղին է առաջնորդած զայն . վերջապէս գործած է զոր չէ կարողացած առնել ցարդ ոք :

Հետզհետէ մեր բարեգործական զգացումները կ'ուժանին , մեր աղդասիրական տենչերն կը ցնդին , մեր կրթական յարկերն կը կործանին և մեք կը գոչեմք տակաւին « յառաջ , յառաջ . » մեք չ'ենք հասած տակաւին այն կէտն , ուր պարտ և անհրաժեշտ էր ժամանել : 40-50 տարիներ յառաջ մեր մէջ կը տեմնուէր առաւել գործունէութիւն կրթութեան , գթութեան , սրբութեան յարկերունկատմամբ քան այժմ : Աստ բաղմահայ և հարուստ թաղ մը չի կարէ իւրեան մի եկեղեցի շինել , անդ վարժարան մի չի կարէ հիմնել , և եթէ լինի իսկ չի կարէ վարել զայն : Ամբողջ ազգ մի իւր ազգին սեպհական Պատրիարքարան ո'չ թէ շինել , այլ նորոգել կը բաղձայ . սակայն կը գեղեկի և չի կարէ . այդ ու հարեն չէր լսուեր 40-50 տարիներ յառաջ այն չքնաղագիւտ նախնեաց բերնէն , թո'ղ թէ ամբողջ ազգէն : Անմոտութիւն չէ գոչելն « յառաջ կը դիմենք » :

1849 ին Զմիւռնիոյ մէջ մի գթած և կրթասէր

ոգի կը յառնէ . կը համոզուի թէ միայն տղայն կրթելն չէ բաւական , այլ տղայն կրթելու համար պէտք է նաև Հայ աղջիկն կրթել , կրթել հայ աղջիկն որ պիտի ուսուցանէ հայ տղուն կրթութեան սկզբունքներն 'ի տան , և պիտի սերմանէ նորա մատաղ սրտին մէջ , զոր ինչ կը պահանջէ դարուն աղջային և ընտանեկան համեստ ողին . նա կը տեսնէ սակայն թէ կը հակառակ դիրքի մէջ գտնուի գործն . նախ տղայն կը կրթուի վարժարանին մէջ . — իսկ աղջիկն . — վե՞րջն . — ո՛չ , աղջիունք իրաւունք չունէին այդ յարկին սեմէն ներս մտնել , այլ տան շրջափակին մէջ մնալ բանտարգել ու տղէտ : Տեսաւ և զայս գոչեց . «Պէտք է հիմնեմ զայդ յարկ և թո՛ղ աղջն իւր իսկ մոօք աղջկունք գնէ հոն և ընդունի զանոնք հասուն մոօք . այդ յարկը կրթութեան դաշտ մ'է . հոն սերմանեն թո՛ղ ծնողք և աներկմիտ լինին թէ պիտի քաղեն անտի հասկահասուն համեմք : » Եատ հազուազիւտ են այդպիսիք այժմ : Ի՞նչ կը մեն աղջայինք . կը հետեւի՞ն այդ չքնաղ նախնի բարեգործութեանց հեղինակաց , և թէ ինչպէ՞ս : Ահաւասի՞կ : Արդար է զի չի կարեմք ժխտել արդի գործունէութիւնն բարեգործական հաստատութեանց նկատմամբ . բայց այս առաւել յետազիւմական է քան յառաջադիմական , զի օր ըստ օրէ կը նուազին բարեկամական դգացումներն , կը փոխին բարի բարքերն :

Դադրեցնեմք այս խորհրդածութիւններն և շարունակեմք ձեմարանի վրայ խօսիլ :

Օրթադիւզի Ս. Թարդմանչաց վարժարանն՝ նըշանաւոր իւր հիմնարկութեամբ , այդ կրթութեան մայրն՝ արդիւնաւոր իւր ծոցէն դուրս տուած Աղջիկն պարծանք բերող զաւակներովն , այսօր կը խոնարհի ՚ի խոր ծերութիւն , մերձ կայ ՚ի կործանել յերկիր , կը կոչէ իւր զաւակներն 'ի թիկունա , կը պարզէ նոցա իւր ցաւերն , կը զարթուցանէ նոցա սրտերու մէջ իւրեանց երախտագիտական ըզգացումներն և կը գոչէ : «Ես ծնուցի , մնուցի ըզգաեղ , զիստութեան կամն ջամբեցի ձեզ և կատարեալ մարդ գործելով յանձնեցի Աղջին , որպէս զի գործէք և ծառայէք . արդ կարօտ եմ ձեր օգնութեան . գործեցէք , ծառայեցէք ինձ» : Այս ձայնն թրթուաց ամեն ականջաց , մի զօրաւոր յուզում աղջեց բոլոր սրտից մէջ , ճանաչեցին իրենց պարտքն , ըստ որում ուսուցած էր նա իւրեանց իրաւանց հետ և պարտքն , ձգեցին իւրեանց ձեռքն 'ի նա , և սկսան օգնելու ՎերԱՇԽՆԵԼ Ս. ԹԱՐԴՄԱՆՉԱՅՑ ՎԱՐԺԱՐԱՆՆ . բարեգործութիւնն մի արդարեւ , որ ունի սակայն իւր արժանիքը :

Նոյնն ըրած է անշուշտ Զմիւռնիոյ Ա. Հռիփսիմեանցն , ոյր փութացած են առատապարգեւ օգնելու Զմիւռնիոյ բարեսէր աղջայինք , վերականգնելու համար այդ վարժարանն , յուսոյ աւազանն , ուր կ'ընդունի ապագայ սերունդն իւր լոյսն , ուր կը սրբուի իւր տղիտութեան ախտէն : Արդ Օրթադիւզի խորչերէն , Զմիւռնիոյ խորերէն վերագառնամք գամք յիւսկիւտար , զկայ առնուումք

Սաղիմայ այգեստանին հանդէպ կառուցեալ և
փլատակ եղած շէնքին շեմին առաջ, որոյ վրայ
սուզ ինչ տեղեկութիւն առնունք յառաջ:

Նախ պահ մի խոկամք անդ և ապա վերը-
տին մտնեմք 'իներքս, հոն, ուր աւերակաց տի-
պարը կը ներկայի մեր աշաց, հոն, ուր մի զգա-
յուն այցելու չը կարէ արդարեւ սանձ դնել իւր
արտասուաց և չը լսլ:

1838 Դեկտեմբերի մէջ Վասեմ. Պալեան Կարա-
պետ և իւր քեռայրն Յովիշաննէս Ամիրայք, եր-
շանկայիշատակ ոդիներ՝ Ազգին զաւակներն կա-
տարելապէս կըթելու և ապագային լուսամիտ սե-
րունդ մի պատրաստելու համար հսկայ ձեռնար-
կութիւն մի կը յղանան, գործ՝ ոյր պտուղներն
ու ծաղիկներ կը վայելէ ազգն ցարդ 47 տարիէ 'ի
վեր. այն վեհ յղացումն կը լինի եռայարկ և իւր
տեսակին մէջ եղական ձեմարան մի հաստատել
յիւսկիւտար. այդ ձեմարանն անցնելով այլ և
այլ տագնապեցուցիչ պարագայներէ, փոթորկա-
յոյզ Ովկիանի մը վրայ ծփական տախտակի մը
նման, կուրծք կը դնէ ժանտ վտանգներու, ժամա-
նակին մրրկաց, և կը հանի իւր նպատակին. հաս-
տատուն կը մնայ այդ կըթութեան տապանն ՚ի
գագաթան դաստիարակութեան. այդ տապա-
նէն դուրս կուգան մեզ լուսաւորութեան շա-
հերն եղող, ազգութեան առաջնորդներն եղող
Յարեթներն.

Արժան է յիշատակել աստ պատմական յի-
շատակութիւն ունեցող այդ ձեմարանի աշա-

կերտներէն զոմանս, յորոց բազումք են բժիշկ,
ոմանք հրապարակագիր, ոմանք փաստաբան, ո-
մանք արքունական պաշտօնատար, ոմանք դես-
պանատան քարտուղար, ոմանք գրագէտ, ոմանք
բանաստեղծ, ոմանք նկարիչ և ոմանք վարդապետ,
ոմն պատրիարք. Այժմու Պատրիարք Ամեն. Տ. Տ.
Յարութիւն Սրբազն Արքեպիսկոպոս Վեհապետ-
եան. Վսեմ. Ստեփան փաշա Արալանեան. Վսեմ.
Օհան Էֆէնտի Պաղտատլեան, Պերլինի Օսմանեան
Դեսպանատան քարտուղար և Մէծիտիէի պատ-
ուանշամներով պատուեալ, որ միշտ յիշելով
իւր ուսման ծննդավայրն եղող ձեմարանը եր-
բեմն երբեմն իւր նուէրներն կը զրկէ. Մեծ. Կ. էֆ.
Իւթիւճեան, Մասիսի արտօնատէր. Միւսիւ Բիէռ,
Համբաւաւոր Նկարիչը, Ռաֆայէլ. Խ. Ուղուրիկեան,
Հանդուցեալ Վարդան Լութֆեան. Էլմասեան.
Միհրան Քիւրքճեան՝ ծանօթ իւր ուսումնասիրա-
կան և բարեսիրական գործերովն. Տօքթօր Աղա-
սեան. Գեր. Տ. Եղիշէ Ծ. Վարպապետ Դիւրեան,
իմ և Ազգին սիրեցեալ վարժապետն ու վարդա-
պետն. Մեծ. Մ. Գասպար էֆ. Տ. Թադէոս Գաս-
պարեան, Ատենապետ Ազգային Երեսփոխանական
ժողովոյ Նիկոմիդիոյ. Հնդց. Վսեմ. Բարունակ
Պէյ Ֆէրու Հսանեան. Հնդց. Արժ. Տ. Մատթէոս
Վ. Արծրունի, որ հանդերձեալ էր իւր Հոգեւոր
Հօրն՝ Գեր. Տ. Մատթէոս Սրբազն Արքեպիսկո-
պոսի ժողովրդականութեանն ու բարձր անուան
տակ աղմիւ ձիրքերն ժառանգել. Հանդց. Յա-
րութիւն Դուրեան. Երջանկայիշատակին Պետրոս

Դուրեան, աննման բանաստեղծն ու մեղրածորան շուրջնն . Ագրիպպաս Դուրեան, վկայեալ փաստաբանն . Սիմոն Գաբրիանեան, Հայկաբան . Անդրանիկ Սաքայեան, դեղագործ . Ն. Վալիտէեան, կառավառական պաշտօնեայ . Միհրան Աղաճան, Հիմնադիր համանուն վարժարանին . Յակոբ և Արմենակ Եղբարք Աստուածատուրեան, վաճառականիան գրադիր՝ ի Պոլիս . Լեւոն Սէմէրճեան, վաճառականի գրադիր՝ ի Մանչողըր . Գրիգոր Ինտճեան, վաճառականի գրադիր՝ ի Պոլիս . Վահրամ Պէօրէկճեան, կառավարական պաշտօնեայ . Գարեգին Համբարձումեան, սեղանաւոր, հանգ . Մկրտիչ Գարազ աշեան, ֆօթօկրափ . Յարութիւն Գաղաղեան, դաստիարակ . Կարապետ Տաքէսեան, ֆօթօկրափ . Օննիկ Տ. Մարդիսօփ (Փափակեան), ֆօթօկրափ . Արթուր Գալաստեան . փաստաբան, Մարտաք Գալաստեան, երկաթուղոյ պաշտօնեայ . Տիկին Զապել Տօնէլեան, ծանօթիւր գրադիտական և լեզուաբանական ճոխ յօդուածներով . և ներհուն ու բիւրաբեզուն հըմտութեամբն . Տիկին Յուստիանէ Զպուքճեան . Տիկին Աղաւնի (Ֆէրուհիսանեան) Գավաֆեան :

Օրիորդ Բերուղ Յակոբեան . Օրիորդ Դոմիա Սաքայեան . Օրիորդ Տիրուհի Գալֆաեան . Օրիորդ Ֆիմի Յակոբեան . Օրիորդ Զարուհի Շամոնճեան և գեռ շատեր զորս գժուարին է մեղ թուել :

Այդ առաքինի ողիներ, այդ ամիրայներ գործեցին զոր ինչ կը պահանջէր Աղջին օգուտը, ազդին ապագայն . նորա բարեգ ործական մալր մի

եղան, յղացան Ճեմանանն և Ճեմարանն արտադրեց զաւակներ, և Ճեմարանն մայր մ'եղաւ, և մեք իւր զաւակներ : Ննջեցին նոքա գերեզմանին մէջ կտակելով մեղ խնամք ունենալ առ այն մայր, և երախտագէտ մնալ նմա . արդ մեք նոցա կտակատարքն եմք և միանգամայն նորա զաւակներն :

Ճեմարանը կարծեմ Սաղիմայ կը վերաբերի . Կ. Պոլսոյ Ա. Պատրիարքն . Ամեն . Տ. Տ. Յարութիւն Ս. Արքեպիսկոպոսն Վեհապետեան, որ Սաղիմայ ալ է Պատրիարք, կը վերաբերի Ճեմարանին . նա ինքն չը հաճիր արդեօք որ Նոր Թաղն այդ Ճեմարան վերաշնէ . Նորա ազգօգուտ գործեր և աշխոյժ գործունէութիւն բացարձակապէս կը պատասխանեն մեղ թէ, ո՛չ միայն կը հաճի այդմ, այլ և կը ջանայ քաջալերել և ձեռնոտու լինել նորա վերաշնութեան որ այնքան անկեալ և աւերեալ, և դժբաղդ և յուսահատ մօր մը նման և կուդայ իւր երիցադոյն և գորովագութ որդւոյն զի գթութեան ձեռն կառկառէ իւրեան :

Մըրբազն Հայր, Նիրեցէք ինձ ասել թէ՝ մէկ կողմէ Զեր բարձր Մըրբազութիւն երբ թագ կը կրէ՝ ի գլուխն և գաւաղան . ի ձեռին, երբ հաղարաւոր ժողովրդեան համակրանքն կը յանկուցանէ, երբ Հայրապետական քաջալերութեան կարժանաւայ, երբ իւր ազգեր վրայ կոնքեռն՝ և կուրծքին վրայ պատուանշաններ՝ ի կախ կը թողու, երբ Վեհապետական գեր՝ ի վերոյ վատահութիւնն և գնահատման չնորհքն կը վայելէ, միւս կողմէ ո՛ր-

քան կը տիսրի , ո՞րքան կը վիրաւորի տեսնելով՝
ձեմարանն , յորում Զեր բարձր Սրբազնութեան
իւր ամեն այդ փառքեր , այն փափուկ գահն ու
կոնքեռ ծնունդ առին , այն ձեմարանն , որ մայր
եղեւ Զեր բարձր Սրբազնութեան , ինչպէս կը յայտ-
նէր Զեր Սրբազնութիւնզառաջինն 'ի ձեմարան այ-
ցելած պահուն , այն ձեմարանն գերեզմանի հակած ,
վրան փոխանակ զուարժագին ու անդին ոսկեճա-
մուկ ծածկոց մը առնելու թխորակ քող մը , հող ու
մոխիր առած է . Զեր բարձր Սրբազնութեան մի
հրամանն , մի կամքն , մի ձայնն բաւ պիտի լինի
բառնալու այդ սև քողն , հիմնելու այդ կործանած
շնչին . զայս կը խնդրէ Զեր Սրբազնութեան մի խո-
նարհ և նուաստ որդին , զայս կը խնդրէ Ազգն համօ-
րէն Զեր ազդու գործունէութենէն թախանձագին :

Ո՞ր որդին չի թափեց արտօսր իւր մօր ողբալն
տեսնելով . ո՞ր որդին անկարեկիր մնաց իւր մօր
հառաջն լսելով . ո՞ր որդին անողոք գտաւ իւր
մօր մահուան ճիշերն լսելով , ո՞ր որդին ասաց .
«Այս մայրն ծնաւ զիս , սնոյց զիս , կրեց զիս
բազկաց մէջ , տոկաց անհուն վշտաց և նեղու-
թիւններու և հասոյց զիս 'ի հասուն հասակ . արդ-
ծերացեալ է , չի կարէ գործել , անկողնոյ ծա-
ռայէ և խնդրէ օգնութիւն . ի՞նչ պիտի ընեմ
այս չուառականին . պէտք է որ անտարբեր լի-
նիմ . չի լսեմ իւր աղերմն , թողում որ մահը գայ
և բառնայ զինքը յաշխարհէ» : Ո՞ր որդին է այս .
ա՞հ , ճիւաղ մը պէտք է լինի ա՞յն զայս օրինակ
զգալու և խօսելու համար .

Կամ ո՞ր այն հայրն՝ որ երր մի ալեւոր ծը-
նող՝ ընկճեալ բաղդին ձախողուածոց տակ , ձեռն
կարկառէ և գթութիւն հայցէ , գոչէ նմա . «Ես
քու զաւակդ չ'եմ , գնա՛ , գտի՛ր զայն , անտի
խնդրէ գթութիւն , քաշէ՛ , քաշէ՛ ձեռքդ , այ
անզգա՛մ . ի՞նչ օձի պէս գալարիլ կուղես ոտիցս :»
Ո՞ւ , չի պիտի լինի անշուշտ այնպիսի մի ոք , որ
մարդկային և ազգային զգ ացում կը կրէ լինքեան .
պէտք է գութն ընդհանուրին լինի . գութը չը
պարփակիր սահմանի մը մէջ . գութը չը մասնա-
ւորիր , ուրիշ բան է եթէ աւելնայ կամ նուա-
զի ըստ պատշաճ պարզագ այից :

Այսպէս է աւասիկ այժմ ձեմարանն . հասած
է 'ի խոր ծերութիւն , ամաց բեռան տակ , պա-
րգայից հարուածոց տակ ծնչեալ ձեմարանն ,
որ կորաքամակ ծերռւնոյ մը նման 'ի խնդիր ե-
լած է իւր աստ և անդ ցրիւ որդւոց , նոցա պաշտ-
պանութիւնն խնդրելու . օ՞ն , փութացէ՛ք , գը-
թացէ՛ք նմա , որդի՛ք սիրասուն , լսեցէ՛ք իւր ցա-
ւոց ճիշերուն , յիշեցէ՛ք նորա անցեալն և ձեր
պարտքն . ձեռն տուք նմա , զի յառնէ անկման
վիճակին , որպէս զի վերականգնի ձեր բարոյա-
կան մայրն : Այսու չեմք ուզեր ըսել թէ միայն
իւր որդիքն պարտին օգնել նմա , այլ Ազգն հա-
մօրէն , զի Ազգինն է ձեմարանն , և նորա ծննդեան
արգ ասիքն եղող զաւակներն՝ Ազգին . ուրեմն ձե-
մարան և ազգ կապուած են միմեանց պարտիւք
և իրաւամբ . Ազգն ընդունեց ցարդ իւր իրա-
ւունքն . այլ Ազգն չի կատարեց իւր պարտքերն

ցարդ, 47 տարւոյ ժամանակամիջոցի մէջ. ա՛լ ժամանակն հասած է, պէտք է ճանաչէք Զեր պարտքըն և կատարէք զայն, խչպէս ճանաչեցիք Զեր իրաւունքն 47 տարիներէ աւելի ժամանակ:

Հանրական գթութեան դիմենք. այսպէս կը լինին այժմ բարեգործական հաստատութիւնք. բարւոյն զգացումներն դեռ կը պլազման չայ որբտերու մէջ.

Զմիւռնիոյ Ս. Հոփիսիմեանցն կ'ունենայ մի Պատ. Յանձնաժողով, Օրմագիւղի Ս. Թարդմանչացն կ'ունենայ մի Պատ. Թաղ. Խորհուրդ առ ՚ի վերաշխնել զվարժարանն. Խասդիւղի Ներսէսեանն կ'ունենայ մի Պատ. Յանձնաժողով, Խւսկիւտարու ձեմարանն չը պիտի ունենայ իւրեան վերաշխնութեան համար Հոդաբարձու գործօն անհատներ. Ե՞նչ պիտի ըսէ ամբողջ ազգը և ի՞նչ պիտի ըսեն օտարազգիք երբ լսեն թէ ձեմարան վարժարան հիմայատակ եղեր է և Աղդն չէ փութացել նմայ օգնութիւն. իւր հարիւրաւոր սանունք գոցեր են իւրեանց ականջներն նորա ձայնին, գոցեր են իւրեանց քսակն նորա վերաշխնութեան համար և գնացե՛ր են ՚ի բաց. աւա՛զ :

Սակայն ո՛չ, չը կարեմք զայս այսպէս ասել. Խւսկիւտարի նոր Թաղն արդիւն և բնաձիր գործունէութեամբն համրածանօթ մի գործունեայ երիտասարդութիւն ունի. Պատ. Թաղ. Խորհուրդն գործոյն ինքնին ոյժ պիտի տայ անշուշտ, զի նոր Թաղի Թաղ. Խորհուրդը զոր կը ներկայացնեն՝ Յինեքերիմ էֆ. Կարապետեան, Պապիկ էֆ. Գալչինեան՝

Սիմէօն էֆ. Մանուկեան, (Նախորդ Թաղ. Խործը ոյ ալ էին անդամ և որք այն քանաշխատած են և արդիւնաւորապէս գործեցին,) և Միհրան էֆ. Սէթեան, իւր վարչական տաղանդովն ու գործունէութեամբ և Աղգ. տեսակ տեսակ ծառայութեամբ համբաւաւոր է, Տիգրան էֆ. Եղէկիէլեան, որ վառվուն և ազգասէր զգացմամբ փայլեալ է. Տոքմոր Աղէքսանդր պէջ Արապեան, որ թաղեցոց համակրանքն շահած է, գործելու կոչումն և միտում ունեցող անձնաւորութիւն մ'է. ունիմք բաւական Ընկերութիւններ. Գըրական Մասնախումբ մը, Նպաստամտոյց և Բարեգործական Ընկերութիւններն, որ ձեմարանի զաւակներն կը ներկայացնեն, և որոնք իրենց գործերովն երախտագիտութեան արժանացած են ՚ի բնաւից. սոքա կարող են ձայն տալ ձեմարանի որդւոց, համօրէն աղդին թէ, ձեւարանն պէտք չերացնի. այս ձայն բաւ պիտի լինի, տարակոյս չունիմ, յամենուսեք նպաստներ պիտի տեղան. այս ձայն պիտի գլրդէ բոլորից սրտեր և որդիքն ձեմարանի և սիրողք դաստիարակութեան պիտի փութան սթափեցնել իւրեանց մայրը, պիտի չանան վերշնէլ զձեմարան: Որպէս զի աւելի դիւրաւ հասկցնեմ ձեմարանի ներքին կացութեան մօտէն անդիտակ ժողովրդեան թէ՝ ո՞ւր հասած է այն շէնքը, խոստացած էի պտոյտ մ'ընել, կարծեմ:

Ընթերցողացս հետ այդ կործանելու մօտ ձեմարանի սեմէն ներս կը մտնեմք. Սենեկուղւոյն անցքին վրայ եմք, ոյր եղերաց վրայ գրուած են

փտած և անգործածելի կարասիք. հո՛ն ծածկածէ խաւ՝ ՚ի խաւ փոշին առատ. սարդեր կազմած են իւրեանց ճարտարապետական յօրինուածներ. աւելի հեռուն, ճիշդ ճակտիդ դիմաց ջախջախուած և փոշելից ապակիներ կը տեսնուին, ոյց ամայի պատուհաններէն, փլիլած որմերէն կը փշեն ճակտիդ սառն հողմունք. վշտաց մի սարսուռ պաշարէ մարմինդ համակ. այս տեսարան տայ քեզ զկայ առնուլ և տրտմիլ և խոկալ. մեր վշտեր, մեր մելամաղձիկ տխրութիւնք կը յաճախեն քանի որ մենք շարունակեմք մեր պտոյտն այս նոր Ա-Եր տաշտին մէջ. Սենեկի մը մէջ ենք, բայց ի՞նչ կը-սեմ, չէ սենեակ այն, տրամարանօրէն չը կարեմք խօսիլ. աստ տախտակամածներն ամեն յապաւուած, բարձուած են, սոսկ գերաններ կան կանգուն. այն անջրպետներուն մէջ դիզուած են ժամանակին հանուր փոշին, ցրցուն թղթիկներ և այն. մեր ոտքեր ո՛րքան չը կարեմք յառաջ տանիլ, զի թաթախին ՚ի փոշի գլխովին, այնքան հետաքրքիր կ'ընէ զմեզ այդ յարկին սէրն լրջիլ անդանօր այնպէս, ինչպէս մի արթուն բժիշկ հետաքրքիր կը լինի իւր հիւանդ մօր ցաւերն դիտնալու:

Երջեմք աչքերնիս քառակուախն գծող գծերուն վրայ. հո՛ն դրուած կան աղտեղի, հնոտի շրջանակներ, ապակիներ խորտակուած, թիչ մ'ալ անդին, ՚ի հիւսիս նայիմք. ո՛, Աստուած իմ. յատակն ամբողջ չի կայ. գոցեմք այս սենեկի վարագոյրներն. անցնիմք միւս այլ: Այ, այս առաւել քստմնեցուցիչ քան զառաջինն. պէտք է

հողոյ կոշկուներու վրայէն շրջիլ, որովք տախտակամածներն ծածկուած են. յամենուատեք հողմն կը չնչէ, փտած գոյքեր դիզուած են մեկուսի. ո՛, ալ չը կենամք հոս, զի աչք ըլ ժուժայ արտասուաց: Մտնենք նորա կից սենեակն. ի՞նչ տխուր տեսարան. գոգցես գերեզմանատուն մ'է այն. մարմարին քարեր մի զմիով դիզուած՝ խառն ՚ի խուռն, իբր գերեզմանաքարեր. արդար է այս. ձեմարանն մեռնելու պատրաստուած է և գուցէ իւր գերեզմանաքարերն լինին սոքա. տախտակներ գամուած են պատուհանաց և ուր ցըրտագին մի գերեզմանական լուութիւն, մի սգաւոր սկսրութիւն և մի խորհրդաւոր մթութիւն տիրապետէ. բուերու, օձերու և մողէմներու խշտի դարձեր ես, վայ քեզ ձեմարան: Թո՞զ վկային ականատեմները. մին ես: Սրահներու և դասարաններու մէջ օձեր սողալ սկսած են ՚ի սարսափ աշակերտուհեաց:

1884 Յունիս 10ին, յորժամ ուսուցիչ կարգուած էի ձեմարանին մէջ, փողոցին վրայ նայող ընդարձակ դասարանին մէջ դասախոսած պահուս յանկարծ մի աշարկու մողէս ահճեցաւ պատէն վար և ինկաւ ոտիցս առաջ: Նոյն տարւոյ, չեմ յիշեր, ո՛ր ամնոյն մէջ աղջկանց վարժարանին սրահը, տախտակամածի մը ուր աստեղաց թուոյն չափ ծակոտիք կան (և իբրեւ զաւաղ առափն ծովու), ծերպերուն մէկէն օձ մը դուրս սողալով կուգար աշակերտուհեաց քովիկն նատիլ: Այս պահուս վարժուհին նորեկ, այլ շատ ցուրտ աշակերտուհի մը աւելի կունենար:

Երանի՛ քեզ, ձեմարան, որ օձերուն իսկ բան
սորվեցնել մոտարերեցիր:

Եւ դեռ շատ նմանօրինակ իրողութիւններ :
Ամեն ինչ փոխանակ ամոքելու մեր սրտեր կը
միրմոքեցնեն, փոխանակ ժպտելու ձեմարանն իւր
որդւոցն ՚ի տես, կարծես արտօսը կը հեղու : Ահա
սոքա էին որ տիրեցուցին զիս, մինչ կարդացի
այն վարժարանաց վերաշինութիւններն : ձեմա-
րանն յետի՛նն եղած լինելու է :

Տեսայք և տեղեկացայք արդ, աղնիւ Հայե՛ր,
թէ ո՞ւր հասած է ձեմարանն :

Աղաչեմ զԱստուած որ գժայ ընդ մեզ և
գործաւորներ յարուցանէ ՚ի մեղ և վերաշինէ
ձեմարանը, զի «Եթէ ոչ շինէ Տէր զտուն, ՚ի նա-
նիր վաստակին շինողը նորա . Եթէ ոչ Տէր պահէ
զքաղաք, ՚ի նանիր տքնին պահապանք նորա » :

Օ՛ն, գործեմք, խօսիմք, օգնեմք Պատ. Թաղ.
Խորհրդոյ ջանից, Ընկերութեանց գործակցութեան
և ժողովրդեան փափաքանաց, և ջանամք տեսնել
զնոսա ՚ի սկզբնաւորութիւն վերաշինութեան ձե-
մարանի . բաւական է որ նոքա սկսին գործոյն,
այնուհետեւ անժխտելի է թէ պիտի յարատեւեն
հաստատամութեամբ և պիտի կատարեն վերաշի-
նութիւնը :

ԵինեՄՔ, ըսին նոքա, Եկեղեցւոյն համար
նստարաններ, և քիչ ժամանակուան մէջ շինեցին :

ԵինեՄՔ, ըսին նոքա, Եկեղեցւոյն նորո-
դութիւնը և ահա ընդ հուպ Եկեղեցին փառա-
ւորուեցաւ առաւել եւս :

ԵինեՄՔ, ըսին, զանդակատուն մի Եկեղեց-
ւոյ գագաթան վրայ, և ահա բորձրացաւ այն
գոլորիկ աշտարակը Եկեղեցւոյն ՚ի գագաթան իւր
կոչնակովն ՚ի միասին :


ԵինեՄՔ, ըսին, Եկեղեցւոյ համար սրբազն
սպաններ, և յարգեցին իրենց կամքը :

ԵինեՄՔ, ըսին, Եկեղեցւոյն համար ջրմուղ-
ներ, կալուածներ, աղբիւրներ, և շինեցին :

ԵինեՄՔ, ըսին, Գեր. Քարոզիչ Սրբազն Հօր՝
Իզմիրեան Գեր. Տ. Մատթէոս Ս. Արքեպիսկոպոսի
Նախագահութեամբ ընդ այլ բաժնեկիցն գե-
րեզմանատան, և անմիջապէս այն գերեզմանատուն
շրջապատուեցաւ հաստատուն որմերով :

Այո՛, չեն պակսիր Խւակիւտարու նոր թաղի
մէջ գործունէութեան սատարներ. Է՞ր չը գործեմք :

Եինե՛ՄՔ, թո՛ղ ասեն նոքա, ձեմարանն ալ,
և ահա ամեն տեղէ պիտի լսուին ձայներ . « Եի-
նեՄՔ ». այդ ձայն բաւ պիտի լինի ձեմարանի
վերաշինութեան. թո՛ղ անդրադառնայ ամեն Հայ
ականջներու, և հնչէ ամեն Հայ շրթունքներէ, և
բաղիսի ամեն Հայ լանջքերու . « Եինե՛ՄՔ »



ՀՀ Ազգային գրադարան



NL0108451

